



831211



古體詩

題戴鹿床為眉生所作西湖訪秋圖 己未

秋洗千山照湖水相向扁舟數佳士畫者無怪天機全十載
湖山徵不起不才我已負君恩事業文章莫復論但願諸公

濟時了他時猶得共芳樽 時予方謝病將自吳回里

山中四無 辛酉

無墨

今晨試墨作大字相對色如秦武陽豈徒研石蒙媿辱令我
文字無輝光中書草奏爭朝議一笏元圭出易水老來衰頽

遜學齋詩續鈔卷一

一 三百十四

筆法鈍炭屑煙煤不嫌爾

無書

久不見我書如我別親串試向主人求計簿與藥論或者頗
知我相寄能稍稍斷爛春秋經三禮缺有間小說演隋唐紙
墨新以燦寄書語大兒何用遮我眼

無硯

晉人工書弗用硯我法頗與晉人同爭新嗜奇論硯品千夫
鑿山挖虛空萬錢置硯仍用水此語可笑東坡翁主人一硯
肯借我殺墨如鋸聲隆隆無才無德來尸位嗚呼何以奏汝
功

無筆

有筆能中書無筆苟充數脫帽視其顛相向髮怒舉椎髻類
蠻佗脫穎非直古時復左右之盡力與我拒挑鐙作細書文
章粲欲吐不才供指揮惟我能用汝

山中四利

番薯

山人種薯蕷厥利過粒食談炊先飽餐飯特用其劫每食競
遣我兒女喜動色我飢亦獲飽甘敵錫與蜜平生親膏梁此
味竟未識坐辜造物仁何怪憂患逼安得一畝園呼兒共食
力

白薯

薯蕷弟兄間其狀顧非偶肥白小兒膚駢連巨人拇鄰翁致

遜學齋詩續鈔卷一

二 三百九十三

一束煮以釜三斗色粲類蹲鴟香升若牢九獨我未獲嘗店
作剛制口頗聞惡葷腥膏臊固弗受烹飪苟不潔再植遂無
有此義昔未聞欲書農書後

土人言患瘧者忌白薯又言白薯性不受油葷烹煮時誤犯之

則次年種薯不生

田魚

山中不足魚種魚南畝田三月買魚鍼土人以魚子爲魚針八月登我

筵往往多田翁頭尾萬且千雨甘田水滿多魚爲豐年或致

腊一束煮食誠芳鮮我友或語我此殆火魚然池塘供物玩

於食無取焉

吾鄉謂之火魚畜之池沼不入饌也

我笑此何疑適口皆爲賢

青柴

東山竹上天西山草沒人斯松棄其毛暇復窺荆榛物賤不

復蓄臨炊具斧斤火力誇青柴爨煙如滃雲吾常困炊桂麩
送驚四隣偶敕省嗇用聞者笑且嗔有米旣盈擔有柴良非
貧我兒亦已長他日使負薪

張煥堂獨立圖

壬戌

豺狼前嘍後猛虎白日清冷出耕父人生憂患與誰言獨立
蒼茫思千古衣錦將軍持節歸坐清鄉里手指揮赤心持獻
明天子那管紛紛橫目兒

毅甫送猪肝並有詩來毅甫自言豢一猪將賣以助賑
今自食之矣戲用其韻爲問

癸亥

君云賣猪活百姓鼓刀迺付屠家屠權卑智小固無術且辦
一飽爲歡娛爲憐病守遣送似餘饜童僕羣歌呼作詩相報
更相謔眼花字大如墨猪睢陽不食今幾月或羹其妻自啜
之那得風流如二老坐忘相向大宗師

毅甫爲言皖南賑事已發米六百石矣甚喜此事毅甫
蓋有力焉用前餽猪肝韻示毅甫兼呈伯昭

書生義不忍獨飽此議偉哉由老屠

毅甫自號

西江汲水潤涸轍

尉佗志大聊自娛監河羣公各發粟首山百諾才一呼磬磬
者鴻竟得活不似枯蝨隨焦猪書生讀書要濟世一念之仁
天鑒之天河倒挽洗兵馬更乞風師與雨師

戲和毅甫並示伯昭

喫飽睡倒床不知日已旰有童呼我醒徐翁書在案發書鼻
爲酸卒讀腸欲斷書言江南民相食若猫彪伯昭爲我言未

語涕先泣我聞不能食夜不能合眼饋輸乏軍興無力恤民
難此當自我先義不忍獨飽我豢猪四蹄可買錢六貫卽當
捐助官我復爲若勸各捨一豚資更謀素所串庶幾集千金
爲民營一飯嗟乎此何謀拙哉吁可歎雖然一念仁理當十
世宦此事予固聞熟思乏長算又聞洲中栖痠骨擲葭菼或
曰當移民方舟送湘漢此議粗可行何以久未建荆吳江上
流淮揚海圻岸數州仍歲豐就食盍分散大城養百人遞減
次小縣亦有大鄉亭稟各視所便丁男逐僕傭健婦能縫綻
其餘弱子女奴婢聽收豢誠得良法程信足甦羸困一事尤
其本招農不可緩荒田江東西畝當以億論賊蹤旣已遠何
忍棄蕪蔓設法召流民負耒就畊賦誠墾頃一千當食口百

遜學齋詩續鈔卷一

四 五百零四字

萬動言種餉艱官錢缺輸灌何以萬黃金或取媚夷蜚亦有
浮淫徒厚糈擁流羨果能節所施豈眞貧足患苦心爲民謀
天意有迴斡藉活十二三要勝置不辦舉事圖萬全徒便彼
庸懦我嘗把一麾所恨席未暖然此皆我民豈待柄尺寸君
旣妃呼豨我亦裘可換各持一勺水去潤千里曠但恐事未
行民死骨亦爛更爲徐翁憂未穩侏儒飽一朝飯籬空兒啼
妻妾訕持示鄧伯昭破涕更一粲

題鄧伯昭同年

瑤

雪堂圖時伯昭將入蜀

東坡昔年思子由風雨聯床夜蕭瑟今君何爲雪堂圖令我
愁憶彭城夕東坡當時一子由我更雙親頭雪白成羣鴻雁
各東西枉得友朋皆膠漆遠行別我鄧雲山千里瀟湘亦未

還人生苦愛高官職風雪江干落木寒

鶴儕中丞見和草字詩韻依韻爲答

甲子

五年卧青山一官復陳迹但自謀斗升安足展寸尺行年已
五旬黑髮漸半白竊自惟平生豈得復低抑青青大龍山新
交意偶得憂時古大臣坐論每相惜深朋聚二三妙義互推
析但恨大江南倔強此餘賊十載喧鉦鏡何時偃戈戚淮上
今裴公幕下又高適新詩唾手成珠琲爛盈下巴腔旣幸諧
郢和豈孤特滔滔股肱郡烽火恨在昔大將屢包荒千里謬
籌畫遂令南畝民蕩爲遠鄉客存者如鷄栖我見盡菜色自
慚擁旌麾無力厝牆壁書生多空談饑腹乏奇策但願文學
臣永息征戎役雅歌時相從患氣或可草

遜學齋詩續鈔卷一

五

五百十六

中丞復次前韻予亦繼作

公詩天馬駒飛行不可迹我才如跛鼈進寸或退尺云何折
楊歌和以白雪白得無特假借大度自斂抑此誼思古人今
日那可得我嘗爲近臣一出最自惜張

海門林穎叔王定甫

孫芝房

陳梁叔

死別生離析

咸豐癸丑定甫以梁叔述字韻爲詩予與海門穎叔芝房各和

之得詩二十餘首刊爲一卷謂之晨燈酬唱集今海門芝房梁叔皆爲古人定甫官京師穎叔在陝予在此不相見七年矣
從軍來淮陽幾輩辦逆賊但聞將矜驕不問國休戚美人

能歌舞壯士日宴適公從三吳來風動連城百縱合農鋤畊
慎拔吏猾特執法請自今論過不問昔信知剝上九已伏復
下畫我今居幕下非官殆類客陸游詩酒在杜甫偃蹇色但
愛黃絹辭坐對雪色壁長淮波湯湯大旗風策策軍旅固未

學文字聊爲役作詩非報章持筵扣鼉革

喬中丞自言生而失母受經於大母朱太夫人爲含飴授讀圖以紀事命作詩

喬公初懸弧蓼莪已廢讀有命自王母書聲雜歌哭豈知萬夫雄佐 帝奠南服今觀丹青間角總面雪玉峩碑金蟠螭緬彼汾一曲勿爲孤兒悲忠孝義相足

林迂谷交畫劉文成像命之曰景行圖屬爲詩乙丑

留侯美婦人古今有相似經生固溫溫佐帝非得已明祚二百年風節此根柢爲國有綱維視曉昧千里 太任坐齋宮萬事今待理南金鞅荆衡礪厲或躍起大變思異才迂翁亦奇士

遜學齋詩續鈔卷一

六 四百十四

王雨嵐山水宗湘文索詩

王章自云嬾無敵斷幅殘煤紛如積有時夢寐空山間奮筆無數好水石老松回首無萬牛白雲猶爲蒼梧愁茅齋千古向青壁不知洞口誰移舟我昔山居時見此君能卧遊良可喜石門却思謝公詩越山更隔漸江水

紫陽書院十六詠 丙寅

紫陽書院南牆壁有阮文達公觀瀾樓記石刻其略曰康熙四十二年浙江鹽法道高公熊徵建紫陽書院於杭州紫陽山下有詩十二章分詠其地今之聽事北向者爲樂育堂堂後高屋三楹拾級乃登者爲五雲深處折而東有池廣一畝湛然清深曰春草池池上水閣南

向今名凌虛者曰南宮舫東向者曰簪花閣池南有山如重巘山之空明處皆南宋人所抉剔曰別有天曰尋詩徑曰巢翠亭曰螺泉曰鸚鵡石曰筆架峰曰垂釣磯鸚鵡石側之校經亭爲元所建山之最上者曰看潮臺臺久圯嘉慶八年巡鹽使者某建高樓五楹以冠此山名之曰觀瀾樓蓋是時以看潮臺故址改建觀瀾樓文達爲之記而梁山舟學士書以刻石同治四年之冬衣言來此主講喜其山水臺榭之勝而所謂巢翠亭校經亭者僅存遺趾高公所爲詩亦不可復得因思此地自高公十二詩之後至文達時而有校經亭又南宮舫爲凌虛閣看潮臺爲觀瀾樓比予之來則今方伯楊公昌

遜學齋詩續鈔卷一

七

四百五十九

濬又以俸錢買地闢新堂於其東前後凡二十楹名曰景徽堂而堂前巖石林立諸生讀書環石以居予爲命之曰聽經巖則其地之可詠者又多矣因爲小詩十六章以繼高公之後將使同志者和之以示余與諸生雖更寇亂猶得相從講誦爲文章其此山水游息之樂不可謂非幸且使後之人有所考見以時修葺增廣之毋廢前人之遺迹則此十六詠者或卽爲書院異時掌故是亦文達作記之意也丙寅六月瑞安孫衣言記

樂育堂

四載官太學談經立海客三年 西掖居溫藉聊寒責今者登此堂汗背面發赤人無韓愈賢坐愧戴憑席授業豈能然

有感庶予釋

五雲深處

堂前兩梅花堂後萬修竹高樓啟八窗面面納山綠是間真
山林有客亦冰玉標題彼何人蓬萊忽在目回首舊巢痕歲
月如轉轂

春草池

青山疊重巘石穴吐清流三日春雨餘渌淨蘋萍稠云何集
腥穢相視如溝湫我欲召畚鍤返此璇沼幽日長了無事坐
看儵魚游

凌虛閣

便坐南面山臨池樂清泚畫船託南宮或曰語近鄙儀徵爲

遜學齋詩續鈔卷一

八 三百廿五

易名凌虛差有理其間設短榻客來心所喜有時坐談元游

魚出深水

水閣有扁曰南宮舫今猶揭於楣間春初王定甫見之大以爲俗讀文達記乃知已易名凌虛也

簪花閣

大賢不違俗簪花宴聞喜高閣有嘉名息壤亦在此殿前臚
句傳上殿見 天子回首二十年報恩竟何似諸生學日新
不才我老矣

別有天

池南山畏壘細路蛇蜿蜒石磴拾級上巉巖紛我前去地不
十丈已覺心超然靈區孰揆剔一瞬垂千年我來不肯去風
袖行翩翩

尋詩徑

經年不作詩作亦不復佳故交死大半存者行天涯今朝
澗石欣然寫我懷乘興聊自適與眾安能諧索之復無有
得非安排

巢翠亭

孤亭無遺基山翠猶如滴大槐墮層陰高梧擢丹壁脩織萬
琅玕輕風相盪激我來看山光獨坐人境寂珍禽時一鳴林
深不可覓

螺泉

螺泉何涓涓仰出蒼石穴潤物不自知終古此凜冽黃河萬
里流東趨漲溟渤要其初發源本此一勺潔諸生來問道我
復何言說

鸚鵡石

斯飛復戢翼千年棲雲峯蒼苔上丹碧毛羽何豐茸隴鳥不
回頭人間爭鷄蟲孰知頑與慧賦予皆天工汝幸不能言差
免送籠中

筆架峯

奇石若植戟三峯鑿青天移玩入几席我筆若修椽酒酣忽
感憤怒草垂天雲飛書責海外單于敢嫚言奈何毛錐子相
對使聲吞

垂釣磯

盤陀一卷石下浸蒼波根上平廣可肘有誰來垂竿連鰲設
六牯此間多鯢桓羊裘不受召五月富春山云云演溪水懷

故舊考槃予所居舊廬日演溪草堂

校經亭

江都五經師朝陽始鳴鳳後生日縱橫聞道在洛誦豈知聖人經身世兩致用寂寞元亭餘著書覆酒瓮我為斯民虞孔情發周夢

觀瀾樓

曾樓俯百尺大江動我前青山不可極濫觴誰尋源羣流既匯合八月為波山海門更東去遂納百谷寬諸生無閉戶來此共憑闌

景徽堂

新構堂東偏開門納閒敞南望文公祠高山近可仰大賢為

遜學齋詩續鈔卷一

十一 三百五十六

道憂榮名安能獎中朝不相容林壑宜獨往回首幔亭峰臨

風發遐想壬戌九月游武夷嘗一拜文公書堂

聽經巖

堂前數立石頭角何嶽奇峩峩偉丈夫儕伍相因依六經聲貫珠諸生堂東西至靜涵大妙太璞豈不移生公昔都講亦有點頭時

雲棲董香光手書金剛經萬曆壬辰香光始選庶吉士

時為其父白齋居士及母夫人追薦而作

華亭三十始登第思親已墮孤兒淚薦福親書貝葉經藏真乃在雲棲寺載更劫火猶精神漫道俗書趁姿媚象教誰知翻百憂驪珠在目幾千字綵服兒啼五十春而今麻葛在兒

身却思松栢瀧岡冢慙鐘魚蓮上人

蓮池大師塔院在寺旁

常州陸彥輔以其先人南游鴻雪圖索詩丁卯

東坡當時一子由咫尺藤州未能見長眉紅頰徒相思千里
佗鄉各異縣迴雁峯前雙雁行青山白雲忘路長衡州燕寢
凝清香那復鞀鼓愁江鄉郎君持圖索詩句但恨鴻飛無覓
處卷中題詩多故人謂海華星農諸君亦恐衰年難再遇桂林雁蕩
劇相似今君獨行何至此青山白雲不可追新詩好繼斜川
子

與子莊子春同游南明山

三日帆溪舟千巖競妍醜看山意未倦入城求我友竹輿聲
咿鴉亂流遂登阜古洞猶軒皇丹臺或葛麥神仙我不知泉

遜學齋詩續鈔卷一

十一 四百七十一

石幸有偶嵐作翠霏霏瀑送聲瀏瀏山門啓修榛一佛笑開
口石梁如卧鯨風雨忘騰吼兩崖古題名其人骨已朽豈不
圖無窮大半昧誰某始信今日娛何似千載後仄徑屢折旋
危楯憑絕陁漸入禪堂深喜對吾州酒子春構越酒來寔吾甌釀也却看
泉兩泓坐得心無垢此中可坐忘世上徒疾走明日我當行
爲君屢回首

薛慰農招游靈隱以事不果往却賦呈慰農和甫先生

日坐湖樓看湖月已辦青鞋與布鞵長鬢走馬更相呼招我
山水爲嬉娛雲林西湖最幽絕怪石深叢我能說羊腓纔熟
已隔年重游不到非無緣冷泉亭邊散珠玉天竺三山雨初
足諸公相與臨清泉耳邊謾謾琴鳴絃先生懶眠弟子晒床

上文書如束筍

慰農次前韻見畲復作一首

溼雲蒸雨吞明月夜睡倒床脫汗鞵提壺上樹朝相呼城門甫開尋我娛隔船歌呼醉叫絕新詩妙句逢人說君言詩酒盛今年我亦行樂聊隨緣華堂五丈面如玉萬家待哺嫌未足何為嗜好從林泉醉翁但聽琵琶絃鬢鬢五十老可哂如我當歸就苦筍

是日步梅招與研農菁士少霞仲修飲湖上慰農適與淡如湘文亦在別船

因憶去年八月與慰農松生仲英有雲樓之游尙未為

詩復以前韻補之

晚眠窗前見落月早聞打門起索鞵杭州退守來相呼驟雨不礙人歡娛入山五里幽邃絕孤山靈隱那復說劫餘喬木

遜學齋詩續鈔卷一

七 四百五十八

猶昔年參天不受藤蘿緣山僧愛客飯炊玉一飲百杯酒亦足烹茶更就竹間泉坐聽松籟吟風絃日晡忘歸僕夫哂一杵蒲牢吼龍筍

復憶去歲秋初與慰農采南仲英有靈隱之游亦未為詩復以前韻補之

大火西流秋七月酷暑漸退始可鞵飛來靈鷲如相呼入山更得峯泉娛人間風日此已絕應真五百何言說西方變相猶當年不知誰與我有緣 高皇寶章琢珉玉小臣跪讀

跼雙足當時幾費水衡泉 天上堯舜揮五絃草間愁吟真

可哂巢痕久埽徒食筍

予直上書房所居園廬程春海侍郎食筍齋也嘗請那春浦相國重書二

大字揭之壁間予既出守庚申之變園亦無存

前數日與煦齋子珮同游西湖謁錢王祠由湖心移棹
至孤山而歸亦未有詩復以前韻補之

夜半窺池見星月明朝出城可縛韉中流棹謳鳴雁呼或攜
德耀隨清娛冕旒旁侍中偉絕彼何人斯須我說龍飛鳳舞
一千年此豪再得今何緣湖心碧波如碧玉移船更泊孤山
足高人參崔惟飲泉誰擘大肉彈三絃紅粧翠蛾彼亦晒爲
我歸家燒春筍是日各攜家人方舟以行至孤山有五六惡
少袒而飲于和靖祠堂胡琴琵琶歌呼大醉
予笑謂子珮曰林和靖乃亦有此惡客豈非
劫數子珮煦齋亦大笑遂不合家人等上岸

遜學齋詩續鈔卷一

遜學齋詩續鈔卷一

三

遜學齋詩續鈔卷二

瑞安孫衣言琴西

古體詩

阮行人惠摺扇五十枚用山谷高麗松扇韻丁卯

高麗權扇魚網紙琉球摺疊劇相似海東萬里遠見及想見

斐然二子天風冷洽五月寒坐我如在蓬萊山但恨洲中

晁秘監東生子祥不來相對畫圖間

以琉球摺扇贈慰農疊前韻

明珠三百詩滿紙昨日長鬢持送似報君素篋海外來為有

清風比君子西湖樓閣如廣寒知君坐卧樓前山試遣小鬟

時拂拭何似擁蓋趨塵間

遜學齋詩續鈔卷二

一 三百九十二

以琉球扇贈譚仲修廷獻三疊前韻

峩冠大帶謁兩紙都雅不與蠻荒似紫中大夫老門生從行

長鬣彼孺子小篋風前清晝寒鷺毛千里來唐山琉球人以中國為唐山

山亦知苦熱韓退之持送搖拂雙松間

以琉球扇贈沈菁士院長丙瑩四疊前韻

談天進士弄故紙眼花如霧最無似昨來海客談瀛洲頗喜

造物哀老子蒲葵却暑生清寒知君絕憶道場山平頭奴子

坐拂汗如在萬壑清冰間

以琉球扇贈沈念農山長祖懋五疊前韻

使者儒官銜詔紙門闕清華世相似海東侍子來觀光當時

鼓篋隨胄子鯁生都講四暑寒異聞頗記姑米山聊致素篋

當揮塵却憐風日猶人間

慰農爲圖八幅以自紀其平生蹤跡謂之煙雲過眼圖
索爲詩

涉世三十年吾生亦勞止何與時否康秋髮已掩耳辭侯示
我圖慨慷殊未已自昔世艱屯每賴才絕偉玉佩鳴軒車天
意恐不爾河東孤鳳皇文采已可紀豈任六月息坐翫一湖
水天地猶煙塵日月如奔矢相對思平生往者各如此壯心
我何有盛年君可恃猶當勉方來後有萬代史

以琉球扇呈吳和甫前輩

存義

六疊前韻

太常文學日萬紙六月閉門良無似盧仝睡起兩腋風腰腹
頗笑子韓子聚頭小扇能輕寒我昨有客來中山却學鄭羣

遜學齋詩續鈔卷二

二

四百四十四

持送簞清颺肅肅坐窗間

澹如爲芾庭索題惠麓聽泉圖並懷芾庭德清

淮南軍書日旁午暇問新茶如潑乳歸來相見錢唐湖雲林
冷泉百不如士元才大且百里聞君但飲茗溪水猩毛縛筆
嘗寄我往往臨池思未已梁溪秦七我故人朝來示我畫圖
新奮髯相對宛如昨煮湯苦憶家鄉春中冷泉味仙巖瀑三
載論文頗苦俗况君朱墨坐紛然能無夢到惠山泉

黃梨洲先生遺硯背刻梨洲小像陳洪綬筆也竹垞檢

討題曰忠孝遺硯朱久香前輩

蘭得之索詩

詞科史局昔交薦角中深衣今未變老蓮俗筆豈能傳千古
精神忠孝硯金椎報仇刑部堂長崎從行馮侍郎平生君父

事已了歸抱枯石爲文章百年冷落證人社叢山大弟誰繼
者明夷自古王佐才或委荆榛隨棄瓦竹垞居士舊題名姚
江邑子能無情鷓鴣漫守紅雲石鸚鵡猶思玉帶生

方存之

宗誠

自金陵來一見卽行却贈

昨別邵亭翁

莫君友芝

今來龍眠窠始知諸僑豪未棄我頑朽應

門誤謝客危失此嘉友乍見一掀髯論事欲閉口羨君氣猶

強恨我老益醜最思蘇源生讀書日奉毋墓廬守松楸吾輩

眞浪走老徐亦無恙

子苓

但苦缺升斗猶幸賢中丞乞錢與

沽酒蕭生

穆

來求書亦無暇下手問業得師資新功頗進否

舊游各在心漸老幾聚首與君謀一醉索客復無有或隨湖

雲深直凌鷲峰陞投詩難爲懷持歸咏某某

遜學齋詩續鈔卷二

三

四百七十字

與王霞舉許海秋祁叔和董芸舫飲米市酒樓得雨字

戊辰

城南十丈塵高樓看飛雨綠槐交輕風新陰蕩平楚誰謂近

市鷲疎曠若埜處故人有招邀新知亦儔侶無端百感深相

對此杯醕十年落江湖兵戈幾回阻竭來路三千重見天尺

五太行猶龍蟠雄鷲日擁輔當時金銀臺煙靄迷處所醉翁

久沈泉

謂祁文端公

白髮陳君舉新詩聊唱酬百年幾賓主

次韻酬龔詠樵太史

顯曾

昔年投我詩北望阻遙慕握手復今茲如疾起沈痾高才富

文辭談經或訓故我意頗未然有懷哽未吐時屯須經綸儒

效匪章句豈無高世英震俗鏗韶濩君今日騰鸞於世有津

渡亦欲講所聞或恐畔而去同聲發狂言千里有良晤

許起居宗衡母孫太恭人山水便面遺墨

春江風急暮帆遠千里青山餘絕巘明月微茫葭菼深相向
孤燈守高館白頭寄意作荆巨豈識中腸水蘖苦孤兒登朝
能文章桓山回首天蒼浪手澤猶存母長夜未許通靈遂羽
化畫已失而復得秋風西掖扇影寒何時曳杖真林間母又有秋林曳杖圖
亦孤兒嗚失母松楸南望只雲山

午橋同年出其尊人寄巢客話圖索詩

寄巢作圖時我生歲乙亥當年盛文游賓客浙淮海詞場角
麾幢酒懷洗塊壘各恃年力强豈謂人事改煙雲固百變烽
火况屢殆留詩六七公閱歲五十載郎君授我圖相視鬢滿
頰前水與後水相續不相待芳園昨張飲華鐙照蓓蕾却思
寄巢徒豈異此文采我將帆風船南行逐欸乃一別不可知
土禹嘲僊儒那管去未來各自娛見在

遜學齋詩續鈔卷二

四

四百八十

十二月十九日雪後周縵雲侍御招集飛霞閣爲東坡
生日時湘鄉先生新移鎮北行侍御亦將歸主杭州書

院矣

城頭青山皓娟潔何似清虛堂前雪堂中各焚知見香千載
東坡原不滅坡之始生宋中天文富杜韓在御筵廬陵文章
如政事謂坡兄弟皆謫仙高賢命世世恒有幾箇同時扶台
斗弁陽詩翁今白頭我亦十年困奔走詩翁欲歸西湖旁何
况當年林與王往在京師與林穎叔王少崔屢爲此集今穎叔官秦中少崔歸桂林矣廟堂已

失和壽陽

祚文端公卒亦數年

旌節復移曾湘鄉杯酒澆胸我猶熱此

懷安得與坡說却思當日周公瑾

山句

更數坐閒幾豪傑

辛未

褚登善隋清娛墓銘張西垣索題

同州筆法師右軍今見此書尤姿媚豈徒遺跡傳蘭亭千載

巫山夢枉費荒唐宋玉詞

正月二十日香山生日張嘯山

文虎唐端甫仁壽

招同

趙季梅

彥修

吳莘農

紹伊

二廣文錢子密吏部

慰農山長

時雨

集祀飛霞閣

東坡生平慕樂天古人自視常欲然後世論詩薄元白好惡

隨俗非能賢

御園荷花薦歐子屢陪六一招坡仙香山生

遜學齋詩續鈔卷二

五 四百七十三

日事久缺使坡有知亦恨焉去歲祭坡復不舉官事束縛殊

可憐昨者張子走語我吳興寄詩來相鐫

縵雲書來時以新祭坡之舉為問

年造請更無暇偶來攜客凌蒼煙瓣香一集對長慶配以蘇

氏眉山篇

季梅出舊藥白蘇二集以代畫像

詩翁有知容補過一舉乃能使

兩全酒酣客樂笑相視坐覺兩翁來翩翩更草新詩遣屬和

欲留故事傳他年却思兩載西湖邊兩翁游跡如眼前荒祠

臨水照古木長隄夾鏡行畫船一朝誤出嬰世網坐閱流景

如奔泉豈知古人有不死衰年俗慮徒相煎何況我詩真漫

與得句聊就厨嫗論

東坡生日集祀飛霞閣

壬申

前年雪中壽詩翁競愛城頭山娟潔今年看雪復再來萬瓦

瓊瑤瞰銀闕天容野色常清新亦似公詩萬古存獨恨我衰
顏貌醜兩鬢雪白鬢如銀幅巾翩翩畫堂上想見湖頭幾疏
放三年誤落塵土中辭侯相對亦惆悵慰農與予皆主講杭
州予來官金陵慰農
移主鍾
山書院猶幸一樽時從公坐中賢豪今昔同弁陽詞客雖不
見清絕猶能成兩翁少仲新與此會
與予爲同年鞠躬滿堂爲公壽何必
秦七與黃九更憶西陵白髮人辛勤誰爲唱陽春

馮尹平刺史獄中畫冊其嗣君卓如吉雲兄弟索題

咸豐之初刺史宰某縣逆奴誣以通粵賊大帥某奏
逮入詔獄要人羅織成之刑部不敢爭遂以無罪遣
戍在獄中四年日作山水雜畫以自娛適且謂其詰
嗣竹儒吉雲當善藏之蓋其意若不知在患難中也

遜學齋詩續鈔卷二

六 五百零四

今卓如以孝廉起家吉雲以軍中功閥皆積官至監
司矣予相見於金陵出此冊索詩壬申仲冬

卽墨大夫毀者多曾參乃有殺人禍生平那知獄吏尊四顧
無人檠礪羸春風落筆生暄妍海棠明媚桃腮嫣花間並坐
暱相視枝頭獨宿牢雙拳菰蒲沙石滿江水漁父移舟帆半
起此間光景似家鄉枕椰椰葉風前靡羨君下筆天機多豈
識當年雉在羅中朝大官坐陰拱玉關逐臣行荷戈東風不
識康居王賴君點筆回春陽春陽滿懷天亦笑白日能向覆
盆照初萌斷枿皆開花花底雙雛雙黃鸝石頭城下句新篇
文章復見小斜川惠州飽飯淵明酒莫恨蘇卿十九年

東坡生日張嘯山唐端夫招集飛霞閣並爲予祖道嘯

山詩先成季梅恭甫慰農皆用其韻予亦繼作卽以別
諸同人

梅花四遶天無風瓊樓瑤闕森當中鍾山玉立更修嫿連朝

點綴煩天公故人折簡走相召却喜勝覽年年同予在此凡四與此會

皆在雪後三堂更飲無事酒百篇欲策搜詩功蘇齋畫本猶高閣

王京謫吏仍仙翁重銜甫脫喜驥首豐芻坐飽羞捫衷 詔

書昨下有遷擢迂儒何術甦罷癯客行有日長安近驛路遙

指江流東東坡昔年徧杭潁潮陽遷客瞻祝融一朝卧對郭

熙畫玉堂正與金鑾通清虛堂前復看雪新恩侍宴思興龍

平生讀書鄙城旦頗復有志陳愚蒙舊巢猶在御園竹佳氣

不改長陵松懷抱十年臣憤切瞳矐初日天宣聰却念諸公

遜學齋詩續鈔卷二

七百四十八十字

久相愛五載一別殊匆匆髯翁相向亦惆悵辦香手藝深鞠
躬新詞麗句况屢辱離情別思眞無窮雖然且就文字飲爛
漫莫遣樽罍空綠萼滿庭壽白傳荷筍萬柄斟文忠有詩莫
忘千里寄相望不隔三山重

正月三日方子箴前輩自揚州寄詩索和因思去年月

樵詩來亦未及和並以寄酌癸酉

勁吳千里楚我孱居中堅有若金張鄰庇風縛茅屨兩軍屢

摩壘旗鼓紛相先大鵬奮萬里下視窮方圓春風一揚煦紅

紫皆芳妍今朝驛使至乾鵲聲喧闐開緘見元白落筆驚劉

錢又聞文字飲五酒兼三邊珠擘璧湖蚌雪斫漢江鯪坐覺

談笑豪如在耳目前我今偶無事樽前山蜿蜒羽衣洞庭客

玉帶參寥禪散人無畦町東坡今千年得詩各一笑吳楚東南天

唐端夫書來以去歲東坡生日詩見寄余在金陵五年常有此會輒爲詩留治城山飛霞閣去年來此乃遂不能
能有詩爲之慙然卽次其韻却寄端夫 甲戌

我昔浮槎來一葉

一葉槎來宦海浮予庚午闈中句

五年飽看鍾山雪飛霞

高閣山滿窗雨翁相對真清絕

君與嘯山同居閣上

年年召客拜東坡

每辱幽人簡屢折壁間橫卷我留題紙上龍蛇今未滅
公年

作詩猶自書但恨老來手頻掣官居日日龍眠山遠望白雲

生眼纈今朝鵲噪得君書正對簷花落瑤屑

詩用聚星堂韻而今日適大雪

頗聞勝會猶七賢却憶前遊渺一瞥喜君對酒尙能狂顧我

遜學齋詩續鈔卷二

八

四百五十二

有情誰與說懷人更望海東雲獨注蟲魚磨青鐵

書來言嘯山已歸滬

上

慰農最豪於詩而此會未有詩來用前韻問之

萬樹瑤花交玉葉乘興欲看龍山雪唐侯一紙來新詩開緘快讀復愁絕連年高閣壽詩仙危磴飛霞凌百折壁間狂句我猶記襟上酒痕今已滅平生頗喜物外游一別殊苦人事掣薛侯酒豪詩尤捷傑句華清浮林纈詩成何不寫寄我持似俗人恐未屑回思殘臘又深春坐閱長洪真飄瞥有田陽羨歸未能浙水滁山况難說浩歌聊爲寄相思簷冰聲動琅

玕鐵

復用前韻寄子密春咳佛生守齋

錢侯纔飲數蕉葉李侯相對面玉雪張侯懶騎五馬驄由諫

垣引疾而歸拍手莊生欲叫絕

有時連騎能過我開門一笑展齒

折澄江高閣空懷人

予園中

望遠但送飛鴻滅李侯昨來詒

我書筆法猶認錯刀掣

佛生善書李重光作字喜爲顛掣端勢當時謂之金錯刀故以爲况

夫壽坡卽坡語珠璣百琲錦千纈想見勝會凌飛霞坐聽雄

談競罪屑諸君能爲髯翁懼念我應惜流光譬古來賢達皆

未死人世妍媸那須說但煩作詩繼秦黃更扣洪鐘躍沈鐵

數詩旣成輒思湘鄉先生不已復用前韻示子岱並呈

慰農

東坡遭際宋五葉太守風流復咏雪當時尤念六一翁風度

眞覺九齡絕滁山滁水詩雍容杭州潁州湖清折百年賓客

遜學齋詩續鈔卷二

九 四百八十六字

此師生萬古姓名豈磨滅今時亦有廬陵賢歲月無奈飛電

掣相公大度多門庭羣駿文章燦錦纈數君殆欲坡後先知

我亦與教不屑鍾山客散今幾年湘水雲去纔一瞥亦知此

感古來同但恨我懷無人說夜闌詩就更沈吟隔窗風動簷

牙鐵

自營壽藏與泰順林亨甫縣倅遍歷潘壩山中亨甫老

矣予亦蹣跚隨之口占戲呈一笑

庚辰

平生經世志白首成眇芒慨然捨之去乃復求所藏自視還

一笑七尺徒昂昂尋山恃腰腳穿谷登高岡我友入地眼我

乃目望羊迎龍尋結穴撥砂防離鄉遂歷山向背細審泉陰

陽但恨此突兀不自言否藏劉伶昔荷鍤或封若斧堂隨俗

聊復爾亦免痴兒忙我友笑向我更登前山蒼

張春咳太守

盛藻

前於江甯藩署瞻園得一奇石將攜

歸楚以道達不易致留之金山後數年過之則好事者

移置妙高臺矣太守來守永嘉作石緣圖以記其事索

予爲詩

此石何時入君手當日瞻園本我有平生不樂武昌居玉帶

山門良我偶一麾來看永嘉山却憶九華如九斗

甌城九山環到宛如

壯巘只在妙高臺不似人生徒浪走我去瞻園今幾春曲

江風度猶情親平泉醒酒隨荆榛後來突兀何輪困猙獠角

立眼睽睽或爲奇鬼使我瞋當時若知此石君束帶相從偉

丈人

遜學齋詩續鈔卷二

十

四百七十字

連日食沙蒜甚美不啻此味十餘年矣欲爲一詩偶閱

許深父涉齋集有和潘德久送沙喫詩蒜乃作喫今郡

邑志皆作蒜蓋流俗沿誤耳詩不甚佳用韻尤不類戲

和一首將令諸生皆和之或可爲此物添一故事也

南人南食天所命入市腥風良非病何物乃以沙喫名有生

亦稟知覺性庖丁競誇味脆甘竈婦却憎形醜蠢詩人歌詠

缺未詳爾雅箋疏瑣難引响濡似託脂膏生鑿竅反愁渾敦

窘求卦得頤龜食墨析薪炊鼎突微黑登盤能佐蝦蟹鮮捫

腹詎慮陰寒賊老漁嗜利不惜身航幽緹險爭獻新豈知負

塗登海錯

沙喫生海塗上取之甚易

已夢蹴蔬驚藏神纍纍滿筐半涎沫

蠕蠕幾輩還腥聞蝸牛角縮頗形肖積豕腸鵝嗤同羣更取

臺黃助調燮細末椒實升芳辛誇談鄉味爲鄉囿和者及之
前德久官厨十年厭食肉食指乍動喜呼酒黃鱸似蛇防欺
瞞蟘非蟹須討論人生口腹豈爲累我輩嗜好猶塵根聞
題演雅計良得句奇語儉巧相直新恩水族還加封麗賦海
江復多識詩成示客一粲然口吻聲鳴亦可憐

後數日復食沙喫因思齊東野語言鷄鳴籬落本無其
事因撻武學生誇者借以報怨予旣喜深父之詩又欲
爲鄉先生一雪此言再用前韻

十年梁肉忝朝命 主恩未報已衰病平生粗糲安儒餐連
日南烹還適性海王之國富羣蠹魚蝦上市腥相引偶招溪
友膾腹腴已覺詩腸潤枯窘興來客卿呼子墨相視一笑脣

遜學齋詩續鈔卷二

士 五百零一字

吻黑沙喫喫沙雖么麼詩人琢詩非自賊轉庵詩膽大於身

參政和章語亦新詩成自寫如有神尤善漢隸世共聞深父能爲

漢隸見放翁集風流文采良不惡豈與程松費士爲儕羣當時醜詆

由學子未必曲筆書癸辛周密癸辛雜識鷄鳴膠膠王在囿

韓侂胄嘗封平原郡王金盤開宴忘夜久北征將士暑搖扇南園賓客

醉索酒此事恐爲史筆瞞我今愛詩那復論老饕取快惟口

腹附和何事窮株根但恨玉堂歸未得每念金鑿夜嘗直食

芹雖甘獻無繇食蛇不畏舊所識退之詩惟蛇舊所識實畏口眼猛持似二

豪然不然瑣屑蟲魚我亦憐

又食沙喫三和深父韻

樞府官高執國命足蹇湖頭復多病深父晚有脚疾屢見於詩路鈴舍人

遠餽食爲言鄉食適鄉性膏腴內含外粗蠢腥穢既除芳臭

引驪珠三百馳報章句奇語新才不窘憶昔京居得遺墨深

集得於戊辰時方謁選居南橫街翁庶子叔平以翰林院進呈本見示以手闔開十指黑已知父

落筆追荆舒深父詩但恨獻諛媚國賊深父以秦檜薦至執政路鈴舍

人無出身宋人不由科甲者爲無出身人釣臺一作殊清新詞仙白石稱

同調德久與姜白石唱和最多與許唱和交有神深父集中與德爾時承

嘉盛文藻四靈八俊名皆聞涉齋詩多筆復健不與翁趙爲

輩羣閱年七百遂淪寂無復壺白能受辛春光婀娜絢圍

手拂塵編坐來久蠕蠕復致江海珍開筵佐以豐湖酒瑞安酒名

豐湖春者最佳退之蝦蟆難眼瞞柳州食蛤還同論季鷹鱸魚那得

食我今真獲鉏雲根鄉味豈能異鄉得公孫圓奕勝汲直路

鈴韻險可三和飽嚙梅花味當識爭新門捷還蹶然詰屈窮

哉誰汝憐

讀後山集畢戲題其後甲申

太史文章雄天下東登碣石南濤江筆力自要山水助賢傑

所產匪一邦閉門覓句陳無已寒蟲秋草吟相似金華牧羊

謫仙人自謂高處不如君好賢推善自一事後世徧迫徒紛

紛君不見廬陵文雄退之後論詩亦羨宛陵叟

黃漱蘭少司馬自江陰寄示馬貞女詩且以潘伯寅尙

書所爲烈女墓文見寄屬爲之詩卽次其韻寄之并示

伯寅乙酉

倡優卜祝牛馬走貞女死貞死不朽霜柯三尺風不搖乃與

惡物生同條山谷詩不與俗物同條昔年歸太僕文與歐陽相季孟自

誇冰雪詞能書奇烈行震川爲陶節婦韋節婦墓銘自言如嚼冰雪張家烈婦今

猶生震川記松江張烈烈婦文最爲激烈今有烈女死非命我門之英黃侍郎

我友尚書潘河陽侍郎詩來血猶熱尚書文好書傳香山谷詩使我腹中

書傳香我書此事能令萬夫怒天巧人謀兩堪怖父衰瘠弱

阿母死託身阿姨匪行路從來胡越有同舟誰知婚寇還相

謀楊花入窠苦恍惚桃花隔牆窺奇尤樓下風腥狼子伏樓

頭月黑鬼車哭狼子咆哮馬父瘖嗟呼此女之死危不同誣

服一朝雨露捧天書始信鬼神司禍福吁嗟乎太湖之水三

萬六千頃惠山青繞太湖濱前張婦今馬女文章太僕真何

人我今老矣安能詩與文但望太湖之水惠山之泉清無塵

遜學齋詩續鈔卷二

主 五百十一

題程宰知足圖同仲弟作丙戌

使君似山人騎驢此山麓有何褐之父從以車獨轂前者又
何人高鞍出喬木那計曾磴危但喜著鞭速君乎勒雙韉驢
瘦行躑躅驢行姑徐徐車行苦犖確畫師亦解人寫貌得君
腹吏道日多端眾駭各馳逐往往營階梯磨厲奮圭角名聲
固歛起民氣恐彫促君來海邊縣澹然似無欲日飲但無何
六十猶顏渥豈徒身康強要爲世禔福平生邴曼容所慮匪
恥辱詩人頌君子豈弟千百祿一尊豐湖春他日西廟祝

止叟作附錄

居我前者怒馬穿雲造修坂四蹄欲踏不知返試問何如
驢背穩平林漠漠開清遠居我後者小車隻輪聲班班汗

流至踵石角頑試問何如驢背閑一鞭斜日看青山君侯
何師師黃老六十渥丹顏鬢好清淨豈惟長壽考曹參治
齊用此道

任太常道遜梅花畫卷 戊子

太常畫法出婦翁眉嫵乃與京兆同高風林下笑相視梅花

出手知誰工

太常爲徽州太守孫隆從吉女婿其夫人工畫梅當時謂之孫梅花

繁枝亂蕊粲

晴吳竹外橫斜誰謂好想見當時歲寒交獨伴高松倚清籜

老友戴商樵五十年前與予同事王先生於玉尺書院

今年七十五矣衰病無繆而猶喜爲詩詩多至千餘首

一日忽因友人以手抄小冊五六本見寄且有見懷之

作予方病目不能讀君詩也姑次元韻以答其意

遜學齋詩續鈔卷二

古 三百三十一

商山老樵如霜竹獨倚寒松秀雲麓爲問青黃登廟堂何似
礪硎卧幽壑與我皆爲七十翁於今何處王官谷新詩細字
如蠅頭半夜商歌動牛角欲讀試將手闔開摩眼無奈淚迸
落且復相和柴桑吟莫更吞聲杜陵哭

瑞安孫衣言琴西

近體詩

九月六日奉父母避寇永嘉之孫坑和渠田韻 辛酉

沿溪百折路無窮僻地今真就老農水色山光煙霧外高田
下屋畫圖中競承筐筥勞諸父便載詩書拓數弓自此可無
關世事一編相對傍牛宮

予授惠邱諸子讀書時 大內書齋在 乾清門左室

中有錢唐梁文莊公詩正所書隨安室三字隨安之義
於書齋不為宜稱而自今思之若先有以啟發予者蓋
人之處富貴利達第以為所遇之適然則其處貧賤患

遜學齋詩續鈔卷三

一

難心之一無所動可知也今冬避地西溪宗人以小樓
為予讀書之所因自書隨安二字揭之壁間庶以自勉
而系以詩仍用前韻

吾道何曾有阨窮亦堪將相亦耕農勳名自在鼎鍾外至樂
何妨疏水中天上玉堂猶在眼雲端 仙馭已遺弓微臣未
敢傷搖落且看青山大小宮

再和仲弟

天道於今未易窮且將笑語向山農小兒寧馨空三窟酒客
無何但一中軒蓋誰知惟肉食犁鋤可惜竟關弓先幾我識

江東紀試覓吳畦一畝宮 今年春初在郡泰順林亨父以羅

議畦避地安固事而為之記蓋自恨其未能也頃避賊
至郡而亭父寄所刻外紀殘本適到天其有以道我矣

喜曾魯庵見過

寂莫空山聽足音故人相遇忽開心人驚鄒衍談天富我愛
陳平獨念深抑塞奇才誰用汝干戈劫運况如今一尊午夜
殊難醉冉冉虛檐月露侵

與魯菴別

自言腹笥有兵書入座雄談頗起予壯士輕身思馬革丈夫
有志度狼胥濛濛曉日風雲慘浩浩溪流日夜趨無計留君
徒惜別相看雙鬢各蕭疏

青田陳呈書見訪山中未至而去賦此寄懷并示家湘
帆上舍壬戌

我在空山少足音何人相顧薜蘿深翟公門戶真愁寂王子

遜學齋詩續鈔卷三

二

舟船不可尋十斗新篔簹一醉四山晴雪獨高吟吾家小阮
同棲遜攜手能來聽玉琴

戴廣文以安固二忠詩見示爲生員張家珍及亡兒

詒

穀作也張死於會匪而大兒徇粵賊之難

磊落張郎我識之眼中灼灼口期期平時狂吸千鍾酒一怒
能呼十萬師隴上蛇矛思壯士軍前馬革稱男兒紛紛偷活
兼跳死說與書生總可悲

會匪入郡城有跪而走者有先期
出者巡道某既免矣謀由海道脫

歸還海
盜死

癡兒草草易談兵一死翻成孺子名四海豺狼猶在眼人生
豚犢豈無情却憑詩史篇章貴誰識文翁教化成我本職司

柱下籍忠奸兩字欲吞聲

時道府方以會匪
之變委過團練

贈張煥堂觀察啟燿時以督師來温

君家黃石舊陰符借箸於今有掃除並海樓船新轉戰

時與吳鎮

洪源水師來温會勦

故鄉韃矢又前驅每思耕鑿安閭井猶恨烽煙阻

越吳此日人材須將帥毛錐無用愧為儒

曲突移薪計孰勤明珠薏苡太紛紛丈夫豈敢辭勞怨鄉國

何堪屢寇氛子弟同仇弓箭社封疆努力鸛鵝軍家聲麟閣

君當繼腹笥兵書我欲聞

李眉生惠坡集予此來攜山谷詩無坡詩得之甚喜賦

此為謝

癸亥

峩峩又見出羣雄苦愛黃州老禿翁聞有篇章如往日忽瞻

眉宇向披風平生坡谷皆心許得意江山自眼中獨恨新詩

遜學齋詩續鈔卷三

三

無筆力十年前已笑龍鐘

予今年四十九故云

送郭遠堂前輩

柏蔭

赴蘇松太道任

財力東南二百年生民杼柚久蕭然當時田賦兼中下異日

舟檣竭萬千豈獨上門傾細戶可無廉吏易貪泉詞臣袞袞

皆經術不但三吳雨露偏

蘇松減賦之議筠仙都轉發之少筮中丞請於朝觀察此行必有以

善其成也

竹醉日雨農學士招飲以腹疾未赴學士似嫌其嫚賦

此為解

仙人憐我謫蓬萊每解金龜共酒盃最喜瀛壺同笑語誰教

鸞鳳失追陪涼生霜雪調冰椀夢入風漪戀笛材有約幔亭

他日會吹笙騎鶴要重來

錢警石先生泰吉以所藏玉板蘭亭拓本見示云其先

文端舊存此刻久亡之命爲之詩

寶墨相看近百年名門儒碩舊嬋嫣金沙雁去空遺恨玉匣龍騰自昔傳文物幾經天寶後風流愁說永和前且摩老眼消清晝莫更興懷重慨然

陳雪樓見訪偕一老人來皆七八十矣

胡來父老欲疑年相向鬚眉各皓然似愛南陽能嘯咏却看方朔本神仙文章籍湜今誰是盛事開天不浪傳更對黃花堪盡興莫言江介有烽煙

和答金梅生

秋老江城黯雨絲相逢那復似年時更無遠夢依三殿且共

遜學齋詩續鈔卷三

四

諸公覆一卮鹽鐵幾人持國論旄旄滿地望王師文章事業君休羨便計歸耕亦恨遲

伯昭見示呈湘鄉相公詩戲和

手書 聖德三千牘誤受 朝恩二十年豈有文章能報答獨遭亂幸安全重窺東閣誠何事徒步江干或有緣羣盜如毛閭闔遠每搔蓬鬢卽茫然予與脩宗實錄 宣

伯昭和詩言及海門學使爲之愴然復次韻

張郎竟作詩人死死去青山今幾年湘漣猶聞遺詠在烽煙眞得幾家全中年哀樂與誰語避地文章新有緣却望京華留一鶴尺書相問每悽然頃少宦書來亦言海門

呈周縵雲前輩次伯昭韻

君昔贈我以佳句受而不報將一年誰謂秦雌遂不出我畏
楚大圖自全飛雁叫空天寥闊長江對戶帆沿緣窮途豪語
竟何有上客滿堂當粲然

寒雨初霽陳雪樓老人來年七十九太湖童子孟昭暹
來年十一口占自嘲

太守癡頑不自哀謫居猶復託蓬萊白頭老合求詩去雪樓嘗爲
知繡帽童生問字來上相有時能乞米開門無客獨銜杯干
卿甚事愁軍旅但爲清吟一費才

壬叔新得舊本十三行屬爲一詩

瓊瑋玉珮見天真笑頰明眸別有神持似甘泉八十叟一時
邢尹兩夫人警石先生頃得玉枕蘭亭亦命爲詩

遜學齋詩續鈔卷三

五

朱烈姬詩

墮溷飄茵不自疑亭亭久已出淤泥太湖三萬六千頃欲借
芳風薦芭蘿

王孝鳳同年頻見過復用伯昭韻奉贈

獨依菜圃開三徑坐看龍山過半年不畏蓬蒿能我顧似憐
甕盎勝人全重談京國眞多感欲挾流亡且俟緣大笑出門
騎馬去黃花座上又蕭然

寄馮魯川太守臨淮軍中

新編退聽近何如聞說兵間苦讀書北去孤鴻頻悵望南來
五馬各踟躕公儀手板能隨俗詩興官梅不寄予獨與侯芭
舊弟子雪天愁坐夜窗虛

至淮浦晤錢榜仙前輩時主崇實書院

甲子

十載蓬萊舊列仙江湖蓬梗各飄然幸從揚子求奇字浪少
桓譚識太元桑下偶留三宿地巢痕空記九重天挂帆明日
遂南去萬樹江干鎖碧煙

至淮安喜晤高伯平

均儒

時客仲宣漕帥所

十圍荒柳萬葭蘆中有幽人寂寞居狹巷諸侯時送酒深鐙
弟子坐紬書相逢客路嗟緣淺怕說交朋惜亂餘且把一盃
拚盡醉要知吾道未全疎

與子珣謙甫登八詠樓

乙丑

謝篇顏筆舊才名辭賦江關各有情自許文章垂異代漫將
時運感平生神仙樓閣諸天迴浩蕩山河夜月晴更與誰言

遜學齋詩續鈔卷三

六

凭眺意白雲鴻雁自南征

石門洞謁誠意祠堂

布衣又作帝王師多病留侯殆繼之早識天心歸日角不聞
漢鼎賴周明祖用儒一反元政青空山宴坐觀千古儒者
田金華諸公之力也經綸盛一時渭釣莘耕均此爾紛紛陰素傳神奇

送林亨父縣佐之福甯釐務

白日看山夜讀書無端催促費文符才非百里今姑去官近
雙親我不如倦鳥漸安林茂密驚魚猶望網恢疎從來一命
關當世他日知君有遠謨

九月十五日重至五美園

廿載重來縛屐尋白雲依舊抱遙岑却看山色羞蒼鬢最愛

泉流送玉琴留客老僧煨芋熟避人驚鼠入蘿深扶筇欲下
猶回首要借禪機一洗心

次日同人游仙巖

浮圖百尺遠迎人却倚輕橈更問津煙樹猶藏山蘊藉丹黃
忽對壁嶙峋當時殿屋雄千柱此去人間隔幾塵饒舌老僧
誇識我不知我已坐忘身

同秋眉登郭公山

華蓋松臺到眼中白雲亭子倚天風我聞開國傳勾踐人道
游仙有郭公一雁南來秋色老大江西上酒尊空古今無限
登臨感獨有當時塔影同

麗水贈陶策臣大令

鴻勳

遜學齋詩續鈔卷三

七

相見喜君瘦他人得祿肥山民窺客座巷草掩庭扉問過向
予切求心任俗非斯才滿天下已亂還庶幾

戲贈潘東屏同年

潘

有官差寡過最好此浮沈永晝一燈近無人高館深門生稀
載酒傲吏獨攜琴

謂策臣

何事憂天下如余霜鬢侵

張淥仙前輩抱山樓詞卷淥仙乃海門侍講弟也

對酒銀釭向曉紅十年淩斷寺樓鐘把君詩卷頻開闔苦憶
黃州秃老翁

黃絹新詞寫側釐賞音深媿異鍾期却看漢水葡萄綠付與

兒童唱竹枝

時以道員將赴湖北

蔣布政以所刊陳文恭公手札及阮文達公所輯皇

清經解見贈以詩爲謝

入坐雄談最起予多情更送一車書盛時將相原能學吾輩
迂疎媿命儒金鏡蛛絲思嶺海玉杯蟲篆競江都須君事業
兼文武鉛槧猶當任老夫

劉太守作琴菟圖自云先德如此索爲詩

金華十日隔清塵耳熟循聲數部民却對丹青增感激最難
家世擅清貧千村荆棘黃巾後幾輩威儀畫戟新我亦淮陽
曾臥治每懷明發負先人

喜王九定甫來杭別十年矣撫今追昔感而作此

貂裘乍脫下朝車高館論詩各笑譁永夜歌呼欺歲月幾年
愁夢劇天涯誰教共作湖頭客便合同看雪後花却恨應劉
儕輩少尊前長笛易成嗟

遜學齋詩續鈔卷三

八

次韻酌何白英見贈之作

桃李春風競後塵已甘雲壑臥閒身重談京國空飛動獨喜
詩篇許任眞哀樂各多中歲感衣冠誰惜外臺臣舊山更隔
松楸遠愁聽桓烏訴苦辛

白英亦
持母服

次韻答蔭甫

握手重來翰墨場莫嫌髭鬢異青陽承明舊事都如昨項領
羣公不可當垂老中興思袞職遠方消息畏戎行河汾要及
當時用欲借元經更熟商

又次韻寄蔭甫蘇州時鍾六英同年適來託爲寄此

青山無恙舊戰場國故有合儒紫陽郎博士議我何望楚大

師位君可當越吳兩叟五百里文字一目十數行賞音忽得
子期去異義更就康成商

予至杭甫二日而琉球門人東子祥國興以充貢使過
此得相見并得阮生宣詔來書時東生爲其國耳目官
阮生爲其國總理唐營司矣

萬里來相見今生殊未期片時留笑語垂老惜顏髭有道堪
王傳談經尙本師遠謨猶藉手衰薊竟何爲
與汝昔重見此離又幾年吾生飽憂患之子日騰騫絕國猶
儒重中朝早棄捐寄詩何日達愁望海東偏

蔣薌泉方伯招同王補帆觀察丁濂甫太僕兩同年泛
舟西湖

遜學齋詩續鈔卷三

九

青山無恙水澄鮮又上西湖六柱船幾處亭臺留劫後廿年
詩酒憶尊前空摩大樹思名將欲掬寒泉薦水仙倚醉戲談
天下事臨流須鬢笑蒼然

爲陶香圃題圖

萬牛回首重邱山雲壑誰知獨立閒亦欲從君扶杖去故鄉
猶在白雲間

白雲山在泰順
吳諫議隱處

去歲浙闈薛慰農觀察時雨與王補帆同年凱泰皆爲
監試作步月圖以紀事慰農索詩丙寅

荇藻風林望渺然浙江潮滿月初圓鵠袍同隊八千士駒隙

回頭三十年

予甲午乙未丁酉三應浙
闈後遂入都應順天試矣

曲江先後荷恩榮淒斷婆羅記舊聲今日清光無恙在瓊樓

高處不勝情

劉太守餞席

使君昨夢蹴蔬羊却望山城燕寢香建德國民風愿樸莊光
祠宇氣清涼天圍野色低青草溪轉帆痕入畫堂舊有政聲
須重聽行舟日到錢唐

呈和甫前輩

嶽嶽經師儒丈人笑談能作坐閒春每聞說士甘于肉却愛
無材拙自神虎觀石渠曾講論思齊訪落孰鋪陳漢廷今日
多英妙相向愁看鬢雪新

姚大令好風相從圖

六月火雲蒸肉山洞房華葉自清閒更乞使君白羽扇徧吹

秋爽到人間

遜學齋詩續鈔卷三

十

仲英惠海靈西瓜

海昌陳安雪練瓜温州蘆蒲未能加驕陽門外行炎火不礙

冰盤對綠紗

瑞安瓜以蘆蒲爲最仲英自云此真陳安寺雪練瓜也

送慰農別

怕送使君五馬行風荷煙柳若爲情河東鳳去三霄迴海上
鷗浮萬里輕秋草吳山餘廢壘夜潮明月見空城道旁每墮
遺民淚未免傷心向首程

前年在徐菑生家看菊花菑生乞爲詩久無以報今又
將有杭州之行菑生索詩甚急賦此詒之卽以爲別

憶昔尋君看菊花二年詩責未應賒新從殘雪移歸棹又見

天桃門歲華一水深圍浮沚宅三秋誰就野人家回頭却踢吳山去千里松臺隔暮霞

抵家以來極思太沖將赴杭州書此寄之並示莒生

七十衰翁爲世謀騰書剴切念誅求自慙今日儒冠賤未解
斯民杼柚愁遂作閉門甘寂寞可能對酒更風流無因細和
猗蘭操獨共徐翁坐白頭去春太沖遺書極言温州權稅之苛其意不能無望於余而余無能爲力也至

今耿耿

樂清徐惇士同年見訪寓廬莒生攜尊共飲適王子莊

自黃巖來相見喜甚然尤念太沖也酒後賦示三子兼

寄太沖泰順

百二峯巒說小徐大徐君亦共軒渠一尊就我能狂飲千里

遜學齋詩續鈔卷三

士

來人見異書且縱笑談欺白日却看天地在蘧廬掉頭獨恨

林迂叟自抱青琴作隱居

子莊頃以臨海宋鶴山大令所刊台州叢書七種見惠

二月二十二日至麗水訪王子莊山長於蓮城書院却

贈

我乘春水上來看括州山靜意含太古東風吹笑顏故人深

講學幽徑一開關明日遂言別問君誰往還

喜晤程子春廣文

炳藻戲贈

金華山中客作客又山中不有官能隱誰知道未窮烹茶好

溪水新筍洞山風試聽隔牆醉歌呼大不同

琉球門人阮宣詔勤院以謝

封赴

京師道出杭州

來謁於紫陽書院三十年師弟子中外萬里之別復得

相見予與勤院喜可知也賦詩示之

槐舍經營弟子員

御園嘉客再朝

天螺車弱水今三渡

鶴髮蒼顏忽卅年老去蘭陵猶祭酒別來晁監幾詩篇相逢

萬里兼悲喜却看登程益惘然

咸豐丁卯勤院嘗充貢使至京相見於澄懷園

勤院赴

京其次子成勳克績以通事從行亦修刺來

見並贈以詩

予已龍鍾老汝如雛鳳清却從大瀛海來作小門生柳色登

皇路蘭羞共客程殊榮兼盛事稽古有餘情

門人東子祥附勤院來書賦此為會

吳山十月早梅時重話瀛洲事絕奇海外鳳麟猶畫壁春來

燕雁偶差池

同治乙丑余來主紫陽書院以十一月五日抵杭又三日子祥適充貢使過此相見予與子祥

遜學齋詩續鈔卷三

十一

別將三十年而以數日間先後至杭亦異事也子祥既行予召畫工為圖謂之重談瀛海圖以紀其事丙寅三月子祥使旋復過杭州則予以相思姑米傳書札獨共彭宣對酒厄萬先人葬事先回里矣事有緣難著意寸心無語自題詩

書煦齋山水畫扇即送其之官遂安

江流直接三天子山色高懸一客星却把瑤琴隨鶴去鳳凰

峯頂倚風聽

為乙巢題觀稼圖

天下幾人安畝畝丈夫只合把鉏犁莫嫌仲玉求田作我亦

因君夢演溪

喜莫子偲友芝自金陵來賦此為贈並懷滌生先生

門前倒屣一軒渠但恨秋花照鬢鬚狂客吳中重對酒經師

漢相尙劬書子愚時爲滌生先生來浙買書三年東閣疎行馬萬卷西湖老
蠹魚語滿腹中無奏記因君聊爲問何如

蘇公祠圖秦小峴先生觀察杭州修祠時所作也今喆
嗣淡如爲浙運使而重修蘇祠適成出此索題

蘇子祠堂傍水仙風流淮海自當年綠林銅馬今方已秋菊
寒泉復儼然舊日壺觴追盛宋新詩珠玉羨斜川江心樓閣

空瞻拜不獨文章憶昔賢

小峴先生嘗分巡吾郡有石刻畫像在江心孤嶼

宗湘文以所藏倪文正

元璫

黃忠端道周

瞿忠烈式耜

三先生墨蹟卷子見示索詩

顏牆標運那能支人物瑰奇尙可思感激顧厨猶抗論崎嶇
梁益已非時百年喬木遺衰鳳幾幅明珠拾睡驪太息元成

遜學齋詩續鈔卷三

三

肩漢業更無溫藉數經師

二月一日由杭州泛舟赴滬將航海入都舟中風雨連

日寄懷滌生先生戊辰

少壯年華過半百客行風雨濕泥塗每懷閭闔眞天上却望
師門更斗墟再造已安唐社稷中興須得漢規模相公猶有
雲臺議莫遣青青鬢益疎

張廣文赤壁殘字卷其孫午橋太史索詩

僅存舉網得魚以下二十

字而筆法酷似歐陽率更

長史臨池似率更珠光二十璧湖晴秋風吳下能乘興明月
黃州各有情滿地江湖驚亂後幾家翰墨似平生漫欲雄筆

皆千古獨向伊川憶老成有祁壽陽題跋

答畢星樓同年 應辰見贈

近荷嘉章及猥言句可傳却思尊酒會如在十年前白髮江湖遠青蒲雨露偏更應虎觀議濶色帝京篇

答陳硯鄉同年 文田 研薌頃相見於夢漁席上旋蒙見

過並示新詩而予適他出走筆為答

昨來乘興失義之却憶清談共客兒青眼相看吾老矣高歌幸在中興時春風消息吹蘭蕙永日情懷愛柳枝 研薌詩意 各自清狂各坦率經過莫作應門遲

將出都門許仙屏龔詠樵夏路門陸廣勇黃漱蘭白鄉兄弟為予餞於天寧寺即席賦別

國門帳飲數賢豪酒好無如客思勞豈有青黃還致用多慚

遜學齋詩續鈔卷三

西

琢玉競揮毫山河幾閱金仙古日月長懸漢殿高壯士百憂無可說但餘歸興向林皋

錢樾菴侍御索詩 桂森

玉貌先生尙自如青驄無事閉門居尊前花石圍高館帳裏煙煤得異書同輩聲名誰早達後人富貴只才疎秋風更切將離感昨日論文最起予

周叔雲侍御索詩 星譽

太史才名舊瑣闥惠文柱後更光輝酣嬉白日頻中酒紫襜青山自解衣 叔雲工畫 儒者豈無當世感 聖朝偏喜諫書稀年來我已愁衰鬢莫作先生杜德機

胡侍郎某母熊太夫人於夫疾亟時投井死夫尋愈壽

至八十二武陵胡侍講焯爲文表之

修短彭殤各有期
秉圭陳璧久然疑
誰知玉女沈珠魄
能作檀郎續命絲
楚血已隨香草化
蜀魂猶有杜鵑知
武陵瓌筆如奇烈
試爲賢頌雜誦之

送湘鄉先生移節入覲

頭白門生擊楫來
更從便坐奉深盃
欣聞分陝將前席
恨未平淮與勒碑
帆葉遠移江樹出
觚稜寒望曙雲開
莫教風雪侵雙鬢
夜台輝照斗魁

趙惠甫烈文屬題其先世傳家耕讀圖

太史好言文景時
先疇舊德國丕基
多貲吏雜緡錢急
圖畫於今最可思

遜學齋詩續鈔卷三

五

惠甫又出其先公晦廬先生仁基岱頂看雲圖

秀絕徂徠五尺童
登高須到丈人峯
大雲觸石雨天下
它日來支九節筇

送曾劼剛紀澤奉太夫人北行己巳

臥虎他年范慶州
豈徒醅謹似恬侯
每承上坐同深語
却恨風檣起客舟
驛柳作綿隨候騎
江魚如雪入晨羞
從來宰相憂天下
去爲吾公佐箸籌

童二樹梅花橫幅庚午江南闈中作次日出榜庚午

重簾複幕閉新婦
矮鴨高鶯譁老翁
一枝晴雪山陰道
明日尋詩我欲東

東坡生日同人集飛霞閣趙學博彥修出所藏蘇齊畫

像懸之閣上卽次翁單溪學士詩韻

虬鬚但覺古畫好馬齒已逐新春加十九日立春文章公自有千

古楚越我知皆一家會者多吳越人酒人幾個髡十斗詩敵當年温

八义舉杯酌坡坡樂否堂前怒放紅梅花

辛未五月之朔張孝達太史之洞潘伯寅侍郎集諸名

士於龍樹院爲菴葭蓀雅集圖人各有詩南海桂皓庭

文燦兒子詒讓皆與焉皓庭來金陵索爲詩辛未

高槐深柳藹風煙勝事城南思渺然 帝里春光猶杜曲秦

淮明月自尊前每懷丹禁多華髮又看青雲接妙年四海晁

張同輩少詩成吟與小斜川

寄彭雪琴侍郎

遜學齋詩續鈔卷三

夫

目光如電氣如雲汗馬功名昔有聞始信蕭何知國士誰言

灞上是將軍江中龍去愁無水謂揚厚菴制府海畔鷗浮迴不羣我

爲樓船謀將帥兩翁何事對鄉粉

周六兵部榆樓問字圖兵部之兄蓮伯孝廉學瀛縵雲

侍御學濬岷帆學士學源皆以文學知名而侍御學士

與予尤相好蓮伯既徇難岷帆旋卒縵雲家居不出獨

兵部父子官京師今來金陵屬爲詩壬申

君家兄弟盡如龍每向蓬山憶弁峯浩劫成灰遺幾個舊游

似雪竟無蹤却看芳樹城南社又見新葩鏡裏蓉兵部子以進士官吏

部今日烏衣仍濟美兩翁相對得春容

正月二十日香山生日同人集於莫愁湖

我我新散府中趨堆案如雲困墨朱却石深朋游汗漫更攜
名酒聽歌呼幾人官向杭州老百卷詩猶小雅餘我欲與公
同拄笏隔江山色似西湖

黃勤敏公鉞三十四歲小像

道光戊戌予以選貢至京師黃勤敏公已退老江上
年八十餘矣咸豐甲寅予以直上書房則勤敏已
卒所居園廬卽勤敏食笱齋也予以既不得久居中而
園中所種竹今亦不知存否乃於此圖得見公妙年
風采爲之憮然同治壬申十一月新有淮南北提刑
之命請覲將行倚裝書此

黃髮青雲隔後塵更誰瀟洒認風神

御園細竹愁回首我

遜學齋詩續鈔卷三

七

亦 先皇老侍臣

道出泰安新泰令蘇君名顯己亥同年也招爲岱遊遂
至日觀峯下宿次早觀日出不得見癸酉

北極天顏近東方岱色雄旌麾從歷覽河濟此朝宗海日三
山外鴻濛一氣中雲端留宿去壯觀要從容寺僧言必欲見
日出須在寺旬
日適逢四表無
雲乃得見也

戴文節公熙山水

吳山立馬望烽煙浩氣凌虛已上天自合清風留宇宙人間
槃礴漫紛然

畫之佳惡予不能知然聞文節直南齋時貴王某素畫公
不與也王頗以爲恨公遂翩然引疾歸矣有此胸次筆下

亦安得復有塵俗耶今日慕效公爲畫者紛紛吮毫染墨
不知方寸間視公何若也嗚呼天下豈有無本之藝哉癸
酉十一月二十四日夜半又記

次方子箴前輩酬胡月樵觀察

甲戌

鳳掖多昕夕鷄棲接閨闕

京居與月樵同巷

十年方惜別一笑忽相

迎顏范誇文筆應劉幾弟兄高歌青眼裏爲爾更盱衡

夜柝紛如聒鄰鐘偶一春移樽還共醉感世漫填胸雁蕩千
峯月龍巖九節筇梅花垂滿樹歸興得無濃

酬子箴都轉用前韻

詩敵羞孱楚詞鋒得悍閑旌幢方伏匿劍戟忽逢迎儒有丈
人行才推同歲兄

予與都轉皆乙亥生予以八月而都轉二月

老來知律細不敢

說縱橫

遜學齋詩續鈔卷三

六

吳頭思楚尾玉應和金春共放金焦眼誰吞雲夢曾每催詩
擊鉢更待客移筇去看揚州月連天雪意濃

近體詩

翁中丞石室傳經圖提刑蜀中時作丁丑

我眉翠色近青天露冕風流憶昔年競誦中和傳樂職早知
教化倚前賢韋平漢傳經彌劭沱汜周詩道最先它日楚材
多致用豈徒揚馬驟翩翩

連日苦雨而暖恐遂無冬雪夜間北風大作早起則庭

前雪深四寸矣此殆天之垂愛吳民也誌喜二首用止

齋集中詩韻簡薛慰農山長並示舍弟二首戊寅

日為朝家慮有無商咨民怨不關渠豈聞桑孔能為國無奈

遜學齋詩續鈔卷四

一

樓蘭未就屠瑞雪已隨天意轉湛恩要與 聖慈如青生隴

麥蝗蝻盡吃吃田公祝滿車

庭院纖塵淨欲無簷花更作水鳴渠啄冰鴉鵲能稱賀掃穴

蝗蝻不待屠獻歲來牟知有望禦冬衣褐竟何如但憑天惠

紓民困慚愧我使者車

十四日雪後得雪二次至二十七八又連日雪平地深

幾一尺仍用前韻簡諸同志二首

三白春前去歲無無田如我亦軒渠令行螟蟻農先賀聲壓

鴛鴦賊或屠四海子由詩最好仲弟藥田亦扁舟逸少與何

如閑人獨羨桑根叟日對清涼說五車慰農主講借陰書院在清涼山麓

鍾山山色望中無銀作城牆玉作渠入地已成千尺澤謝天

眞欲百牛屠樓臺高處寒何似鳩鵲消時迴自如却望瞳矐
初出日棹枝誰共擁炎車

復用前韻簡郭慕徐太守并送其入都二首

九重回首舊巢無那復論思夢石渠三福奎章弓劍杳廿年
宦蹟市門屠官原偶達窮奚懼老欲何爲壯不如却憶龍湫
與雁蕩陌頭花好待脂車

佼佼錚錚不可無濁流東下漲黃渠有誰仕宦誇羊胃此去
風塵訪狗屠漢殿相看多健者秘書還解問何如中朝諸老
能憐我應許看山挽鹿車

夏路門太史以其先侍御裕園圖索題路門視學蜀中
歸居裕園不復出時予新奉 召還朝亦老而思歸矣

遜學齋詩續鈔卷四

己卯

二

一鞭萬里下岷峨歸臥園林歲月多却羨平泉好孫子百年
奇石尙摩挲

文游臺下秦太虛暮春堂上陳中書乾涸人物似元祐無奈

歸心此畫圖

我鄉陳文節公紹熙初元再召都人呼爲老陳
郎中予以咸豐八年由侍講出守今年乃拜內

召之命暮春堂文節
所居光宗爲書扁

元日得陳六舟太守昭通書以追和丙辰闈中次龍翰
臣前輩韻詩見寄是日適亦大雪卽和寄二首

銀釭猶炷隔年燈萬里書來喜未曾遙想清香凝畫戟何因
歸思動漁簖綸麻事業文無害諫草流傳字有稜我亦枯樸
嫌俯仰看花遙憶演溪媵

時太守有歸意
而予欲去尤甚

祥雲六出動天篩憶踏瓊瑤仰殿帷綵筆久辭青瑣闌琪花
猶認上林枝來牟已兆豐年穀疵癘猶須活國醫新韭作芽
炊餅大速來相對酒盈鴟

己卯七月蒙 恩以太僕卿召還朝述懷感事四首

一紙除書下九天風蟬蛻骨作飛仙屬車猶幸容臣朔開閣

何當吏孽宣鷺鳴比華宗上比華宗火伴鳳皇池館復華年但愁致主

仍無術鄉詰周官有舊編吾鄉乾涸諸老多爲周禮之學

桔梗雞壘各一時尋常草木亦差池人言漢吏惟刀筆我有

天游任勃篋鴉鵲愛憎都未是鯤鵬高下竟誰知平生事事

非人力莫爲椒蘭註楚辭

曲江風度杏難攀回首三湘泪竹斑仕宦豈宜從涑水劉道原學

遜學齋詩續鈔卷四

三

于溫公終身不肯仕文章何自擅眉山力扶漢鼎天猶吝名

宜予每以此爲愧在韓門我已孱獨憶津津推轂語勉扶衰病點朝班

陣雲驃騎最銷魂怪事岑來孰究論自昔春秋能折獄何人

花菊已開尊心喪自合題碑石腹痛何從哭墓門酬報當思

明義在青蒲它日効忠言

督府沈公挽詩

漢法文無害秦風武克剛如公宜耆皓蚤譽况龔黃吏牘牛

毛細僮書馬足詳有才方世用何遽惜淪亡

吳楚猶分轍芻蕘屢獻疑兵因屯駐弱財以算緡衰弧矢威
終用花門事可危未知天下計輕作管中窺

船官垂七載肺病輒三秋重幣求奇器遺章尙鐵舟心眞匪

蓋示漢物無用耳

石轉事恐與生休卻恨中行說精微為虜謀得漢繒帛以馳草棘中中行說

最愛資材美猶須覽記全豈聞宣政世不讀建隆編制節雄

三鎮通家託二天公會試出舍弟門下鑄磨都未盡生死一潸然

重至五美園

舊事渾如夢幽尋此再經佛猶迎客笑山竟為誰青有路堪
逃世無師學鍊形卻隨殘照下林杪已疏星

聞王紫裳

詠霓

登進士第寄詩為賀

庚辰

水心昔歎黃巖士科第相望動百年卻喜叢林翹秀幹遂教
王後接楊前楊蓉初先登第文章金石多孫綽經說紛綸幾鄭元
自此齊飛皆鳳侶霞光照映赤城邊

遜學齋詩續鈔卷四

四

喜楊蓉初

晨

留館寄詩為勗

館閣於今宰相儲蓬瀛真接列仙居如何鞭轡紛埃壘亦或
腰尻妙走趨南服財空供虎旅西征師老夢狼胥水心文法
質窗得不但蒐羅魯壁書

賀黃仲弢

紹箕

入翰林

籍甚黃童妙少年巍科今日復登仙真看一戰雄場屋豈獨
高名壓老泉謂漱蘭詹事近世文章唐末造吾鄉人物宋南遷蕭
蕭蓬鬢空鉛槧六代維衰望後賢

賀李蕤客

慈銘

登第

何自為郎漸白頭十年鉛槧隱風流得科已久經能富上第
初登譽坐收學術於今多祿利人才幾輩接春秋稽山竹箭

東南美尚望書生有遠猷

登萬松山

到眼嵐光映碧空竹輿搖兀任輕風雨餘岸草猶含綠霜重
林楓半染紅已借神仙開佛地欲排雲霧見鮫宮蒼官夾道
如迎我何處人間有赤松

偕同人少飲西山山舊有觀潮閣今不知所在矣辛巳

佳客來康樂連朝說雁山未能追勝絕且作小躋攀嵐氣千

鬢妙江光足練閒相須腰腳健還與躡屣顏

此地多名勝乾涸幾後賢觀潮多賦詠止齋水心皆有觀潮閣詩水心云趙君既

賦觀潮復集舊詩句刻之蓋宋人題詠甚多高閣接雲煙筇屐行衰矣風流付渺

然祇應禪榻畔隱几望江天

遜學齋詩續鈔卷四

五

賈宅看梅

在永嘉大羅山麓有梅數百本

薄霧輕雲萬竹屯地亦茶村數里接梅村名梅村小橋乍轉

香迎客草屋誰家雪擁門欲覓荒亭容少住花在村人所居前後而苦無休

息之所土人云故有一亭久圯矣可無高客共開尊詩人猶憶徐丞子煮茗

清吟一討論宋徐山民居泉村國初時徐凝丞子亦能詩有泉村集蓋其後也今茶村猶有徐氏子孫

宋小泉半園圖

雲海風流向遠孫宋尚書之才自號雲海手芟松竹作籬藩盤山山色

天然綠何處苔窠有屐痕

竹外輕颺拂拂生床頭紈扇已無情一枝柔檇搖煙出數點

間鷗立雪明

咸豐辛酉平陽會匪亂及大畧林生福皆母陳孺人以

罵賊死福皆爲文記事徵予作詩

篝火荒祠數安民當時召亂最傷神庸奴袖手觀萌枿上客
焦頭笑徒薪幾輩陳安真壯士千秋范史有傳人范蔚宗始
爲列女立
傳街西昂畢今芒角巾幗紛纒閩外臣

母舅項茗垞先生傳梅秋林覓句圖遺照表弟栗亭昆

仲屬予爲詩置之案頭將一年或以爲人物畫也竊之
以去徧索不可復得乃補詩數章以記其事且志疏慢
之過

楓葉霜黃榭葉丹白雲流水夕陽閒灞橋詩思誰能識時有
幽人點筆看

那識人間巖挺之天台雁蕩徧題詩且甌一集填簾答爲想

遜學齋詩續鈔卷四

霜篝對燃時伯舅雁湖先
生有且甌集

苦憶東坡白水山蘇程蹤跡太漫漫成君宅相尋常事自喜

論詩見一斑先考元配項夫人先祖妣姪也而予兄
弟皆丁夫人出放于諸舅家蹤跡稍疎

神物通靈亦偶然癡兒也解攬青氈新詩綺語更安用紙壽
猶論五百年

金陵清涼山麓舊有一拂先生祠祀宋監門鄭公俠已

卯之春予以病在假有受當道意旨者請以閩二林公

配食予欲尼之而不果今年得新修江寧續志閱之則

所謂當道者亦與末坐矣爲之一笑口占二十八字寄

金陵士大夫辛巳

一拂清風自渺然如何簪組集羣賢今年更比去年好又有

匡來郎罷前

蔭甫書來知其稚孫又以童子游庠矣猶記咸豐七年
予自定遠軍中歸過蔭甫於蘇州留予居逾月時其兩
子始皆總角讀書今其孫又將以科第起家歲月如流
而蔭甫家門日盛此時必當送考在杭寄詩先爲之賀
壬午

乍脫征衣訪客居徐卿玉立見雙雛頗聞擁膝求梨棗歛見
騰身踏馬駒文字君家錢萬選科名他日樹三珠老翁風月
西湖上想得論文笑捋鬚

楊性農同年武陵書來卻寄

又得衡陽信開緘喜不勝早知翁似鵠尤愛字如蠅爲國心

遜學齋詩續鈔卷四

七

猶熱齊民術最能如予惟一嬾遙乞萬年藤
談笑猶前日飛騰遂八旬無由尊酒共差幸尺書頻年穀貧
能散絃歌德有鄰相期黃綺老更撥紫芝新

山人有餉笋者云此竹自夏初出笋直至秋末未已以
沸湯淪去其苦輒與春笋無異詢其名曰菘竹也豈卽
淇澳詩人所詠者耶因記以詩癸未

朝來山客偶傾囊捲地西風覺笋香我愛魏徵殊嫵媚人知
衛武未荒忘欲參玉版招新友猶憶金鋤劬舊岡轉瞬一陽
泉下動森森脫襪又成行

園中累頑石爲垣粲然成文理巧者欲聖以泥口占示

之

絕愛它山石能成夫子牆
頑心移犖確匠手出文章
但補苔衣緣還拖荔帶長
披坦梧竹裏辛苦拙工忙
直上書房時所居賜園亦疊石仍用砌磚法殊可笑也

單溪學士舊研仲弟視學粵西時所得亂後不知所在
同里黃君得之溪中因以見歸仲弟有詩識喜

蘇齋片石復來歸
烽火泥塗幾合離
磨墨磨人何足較
楚弓楚得更無疑
百年壇坫蘭臺舊
萬里輜軒桂海時
此後臨池知筆法
兩翁相對鬢如絲

漱蘭頃有所贈題其函曰冰敬戲作一詩爲謝

故人心似玉壺冰
卻借光輝到綠塍
南極火雲燒六月
西山晴雪照千層
文園舊疾蘇消渴
禪榻輕風洗鬱蒸
急和梅羹

遜學齋詩續鈔卷四

天上去五溪寇盜尙憑陵
都中六月以水浸青梅謂之冰梅湯鬻者必手擊銅盞聲絕可聽今

不聞此聲十餘年矣時法人方寇安南

光緒甲申予行年七十矣少時羸弱多病竊幸老猶頑

健然追念平生亦多有可歎愕者輒以杜公句爲引首

成詩二十章粗述鄙懷兼示同志 甲申

人生七十古來稀
六十流光去似飛
儒重久慙靈壽杖
山癯祇合芟荷衣
武公大耋猶劬學
伯玉初衰已覺非
愧我徒存蒲柳質
卻隨桃李競春菲

人生七十古來稀
鏡裏容顏日漸非
樗櫟依然無恙在
蘓鱸猶幸及時歸
徒思繕集藏廬阜
豈有歌思託海沂
臣朔滑稽聊自譽
門生諛墓竟何譏

人生七十古來稀光采文昌接紫微仙仗曉瞻温室樹
爐香在侍臣衣傳經 帝子隨銀燭 賜福天書拜瑣闈 御

自甘泉烽火後巢痕何處夢魂飛

人生七十古來稀一夢南天與北扉中禁弟兄皆講幄
龔官

吳楚幾征騏予以咸豐戊午出守安慶同治戊辰馬端敏公
道游擢皖臬楚藩復移江寧廿年仕宦無言責半世虛名有

腹誹幸捧除書重入侍依然留滯隔 宸闈光緒五年八月
以太僕卿內召

病甚不能
造朝

人生七十古來稀入洛當年似陸機薦墨上天金殿近黃縣
賈相

飛國子會試座主為翰林掌院時書房需人離筵排日王
相國以予名列薦此得旨召見予始知之飛飛
愛特甚時公已在告數與王通政拯林方伯壽圖張中丞

遜學齋詩續鈔卷四

九

祥河約予於慈 仁寺飲酒賦詩 每思東閣觀奇士 卻望中台掩夕暉浩蕩

帝城春似海黃公墟畔草菲菲黃樹齋司寇為鴻臚卿時頗
喜予詩嘗論同時人詩曰琴

西之思清而敏每集名勝士於陶然亭
為文酒之會予之畧知為詩公實教之

人生七十古來稀鬢舍槐陰幾合圍琉球弟子入監讀書在
國子監西廳庭有巨槐

一弟子執經黃絹帽大夫傳贊紫蕉衣還鄉晁監趨王會去

國黎侯歎式微今日廟堂方偃武秦廷痛哭幾人歸琉球弟
子阮宣

詔向克秀鄭學楷東國興於道光庚子入監讀書子時以副
貢居京師考試為教習及期滿還國向鄭二生旋卒阮東二
生後充貢使至中國予適主講杭州復得相見
前四年琉球為日本所并二生亦杳無音問矣

人生七十古來稀燕去鴻來各倦飛古寺論詩燈欲燼咸豐
癸丑

予在京師與平湖張海門閩林穎叔馬平王定甫寓居相
近每相遇從有晨銜錄詩一卷海門視學湖南嘗刻之
亭對酒柳初肥益陽湯郎中海秋豪於詩予嘗以一日
和其半字韻十六首大書陶然亭壁江

文筆誇顏謝幾輩勛名藹省闈庚戌同年中邵泮生亨豫錢

彝珍尤相善泮生湘吟皆獨幸曲園俞叟在武陵書札故依

至侍郎而皆先為古人依中山視學河南以呈誤去官卜居吳門益治經著書近三

百卷皆已上板屢得其書以不得再見為恨性農由庶常

改兵部亦不復出有移芝室集今八十餘矣而數月必得其一書尚能為細字也

人生七十古來稀一憤千年世所譏文武造周尊國本呼韓

事漢懾天威金湯自有民心在繪幣誰爭廟畫非感激籌邊

書百卷可無忠議佐宵衣修獨編夷務書一百卷宣宗實錄時予

人生七十古來稀詞賦長楊事豈非漢苑自生春苜蓿崑崙

曾駐舊驂駢龍髯夢斷悲三聖豹尾恩新望六飛早

晚嫖姚真度塞猶能金石勒皇威

人生七十古來稀山斗師門極目非衡岳洞庭森氣象玉堂

天上各瞻睇多才元祐成衰晚並世蕭曹失指揮風度曲江

今不遠白頭陽羨我何歸

人生七十古來稀肝胆於今孰是非太尉墳荒餘碧血西州

路遠隔烏衣但知青眼高歌在誰識長才與命違老矣倦談

天下事紛紛流俗溷精微馬端敏公趣向極正論事獨

知根本遇害時年甫五十人生七十古來稀文物乾涸我孰歸本論萬言能憤切開禧

三劄更嗟唏道謀兵食成貧弱大義張韓有是非天意人為

都未測秣陵同拂五湖衣吾鄉葉文定公上孝宗劄子云今

予謂今之大患亦猶是也予常慕水心為文平生科

第任官亦畧相似而退居皆自建康則其尤相似者

人生七十古來稀師法鄉邦我有歸去國郎中今白髮宋時

吾邑陳文節再入朝須髮無黑者執經贊讀舊青闈漫言弟子雄

都人聚觀謂之老陳郎中

場屋吾邑蔡文謨公幼學爲文猶望君王記鐸微文節作
氏章指楚大夫鐸椒嘗爲氏鐸微以記一時得失垂暮已無宣室召永嘉學術自光

輝

人生七十古來稀回首兒時樂事非松柏陰成餘宰木蓼莪
心在負春暉未能列鼎生爲養予兄弟歷任中外未得一日迎養猶有先廬

老欲歸一紙瀧岡阡記在誰知報國已心違予爲先大夫墓碑至今未

能立石

人生七十古來稀垂老蘋宮黯落暉鮭菜八年恭奉饋鷄聲

五夜肅求衣星回漢渚槎空返春近章臺絮又飛墓石未刊

非負汝江郎才盡一獻歛

人生七十古來稀哀樂回思但累歛贏博三號知有命鬼雄

遜學齋詩續鈔卷四

土

廿載悵無歸大兒詒穀於咸豐十年看花幾現優曇鉢子官

時次兒連舉瘞玉難忘慘綠衣辛巳春長孫甫更憶東坡呼

阿虎屠蘇不醉惜芳菲從子詒燕以乙丑登賢書庚辰秋竟以病卒

人生七十古來稀藉甚眉山是抑非四海子由知已少八年

儋耳逐臣歸有田可去家仍遠聽雨何時計尙違未必東坡

能似我白頭兄弟日相依東坡子由甫自海南歸而東坡旋卒且年止六十六

人生七十古來稀誰見先生善者機南粵囊羞時過飲東方

妻小不言飢豈眞自污求田宅且聽人言說是非但得山間

黃犢健相從海上白鷗飛

人生七十古來稀向晚桑榆事未違負郭買田追祖遠予頃

曾祖禰各置祀田四十畝學田十畝爲三房子孫值祭讀書計故山求地送妻歸花鋤鴉

鬻餘三徑樹作龍鱗近十圍猶有國聞書滿架爐薰一炷掩

荆扉予集鄉先生及外郡人詩文有關掌故者為永嘉內外集又以類刺取為臨海軼聞各五十餘卷

人生七十古來稀上壽期頤我敢祈有子讀書粗識字諸孫

學語競牽衣家風萬石安醕謹庭樹三珠待沃肥且祝今年

秋八月月明時聽鶴南飛

丁松生丙杭州書來以所刊武林掌故十數種見贈皆

南渡後故都遺書也卻寄二首

知君家有鄴侯書萬卷琳琅擁石渠延閣道山能好古龍翔

鳳翥共研都松生與其兄竹舟皆有論著天涯獨夜聞鴻雁江上微波託

鯉魚我亦永嘉思舊學離羣但作閉門居

湖上梅花與雪妍鳳皇山色對蒼然每從毳舫陪談笑愛聽

遜學齋詩續鈔卷四

七

填箴韻管絃一別霜蓬非舊日幾人王貌尙當年金堂石室

今何在猶望驂鸞共散仙

半年以來屢見西人所謂新聞紙者有一近事頗慰老

懷口占二律寄漱蘭侍郎

左角蠻攻觸南柯檀伐槐浪語集句豈徒資笑粲亦復慰衰頽湯

祝天無怒佗驕地有材卻看堂阜稅還為郅支哀

萬里都盧伎千金泝澣方鯁生惟鑿空垂死尙騰章漢虜終

當隙孫吳只用長老夫息壤在佗日一思量

八月間患疔頗劇病起讀素問一過卽書卷後

紛紛厚積民冤那識靈蘭有討論道技直參三畫始師承

應與六經尊未遭秦火書猶缺獨賴王冰注僅存老傍藥爐

思補讀病餘無奈目眩昏

遜學齋詩續鈔卷四

三

遜學齋詩續鈔卷五

瑞安孫衣言琴西

近體詩

今年正月以年至七十用子美句為詩二十首蓋昔人感遇詠懷之類非自壽也生日漸近同人有欲為壽者愧不敢當乃復用杜句約為六章而去其複韻畧述鄙懷示諸知友有愛我者其即以詩為賀可乎

人生七十古來稀俗論豪夸我卻非樗櫟與松同耆老桑榆得日且光輝輕談事業餘霜鬢笑看兒孫競綵衣但作幸民隨里社敢煩賓客盛駉駉

人生七十古來稀偶假微疴脫世鞅山客昨詒新竹杖溪翁

遜學齋詩續鈔卷五

一

有約舊苔磯每聞國論徒搔首未答君恩已息機亦欲相

從無事飲伏波海上待宣威

時有法人之難

人生七十古來稀那復紛華問紫緋官職不干文度事田園

已後子由歸兩翁似鶴清無對萬卷收書意有祈卻笑世緣

何日了欲尋花竹看煙霏

人生七十古來稀諸老乾瀆要嗣徽經術止齋通物務

承嘉經制

之學開於鄭文肅至文節陳公集其大成通文章正則妙嘲

今知古最有神於實用余常以此為後進勸文節謂吾鄉譏罵人然水心即不免此豈無師友如它日文節謂吾鄉

亦有名家或庶幾後起即今多俊妙永嘉學者未風微

人生七十古來稀新曲無煩奏鶴飛桂子天香吹馥郁

予以八月

十七菊英籬落動芳菲家風慎守蟲蟲戒用孫真人事家人輩近頗知戒殺

國故能言楚越襪史言東國王好鬼而襪壽至百數十歲但愧安心殊未穩王

池清水幾時肥

人生七十古來稀羊酒鄉鄰意敢違孤矢志存終恂恍蓼莪

篇廢久嗟唏不嫌朽質施瑀飾最愛新詩粲貝璣舊事皖公

成例在臣門如水掩雙扉予為皖臬適年六十時中丞太夫人生日同在一旬乃自為手札密

諭諸屬僚止其來賀及一切饋送并斷賀牘于是撫署賓客甚盛而無一人敢見臬司者

宦汝梅大令懋和自奉順移麗水順道見顧賦此為別

乙酉

割鷄三載住山城新喜量移萬戶羸游刃知君忘肯繁揮絃

從此益和平風謠久入賢人祝星采遙瞻處士明所幸兩邦

仍魯衛黃河餘潤豈無情

遜學齋詩續鈔卷五

俞蔭甫書來寄答

昨得吳中信開函意惘然白頭兄弟少來書中語紫氣斗牛偏去

雁將千里浮雲自一天封題轉惆悵再見恐無緣

我老殊多病年來幸稍蘇聞君親藥裏何處覓江魚每恨書

難達於今夢亦疎相期惟強飯無事且端居

蔭甫長孫陞雲以神童入泮有詩誌喜今秋初應鄉試

即以第二人發解尤可喜也以詩賀之仍用元韻

寶墨摩挲玉唾存紅綾姓氏又雛孫名門中外兼文武陸雲為今

大可馬彭公孫女婿我輩交游况弟昆蔭甫少予六歲常以兄視予雁塔春風期唱

首鹿鳴秋苑已掄元宋時進士第二亦稱狀元則今日鄉薦第二亦可稱元老翁叟鑠

應西笑依舊巢痕接紫垣

同人集華蓋山

連年衰嬾罷登高今日青林發興豪共插茱萸酬令節更招
鸞鶴接詞曹謂徐班侯戶部仙人已去餘鷄犬洞穴何從問

狢獯卻望慈山山色近萬松長鬣自呼號慈山水心葬處

城郭遙看斗柄雄容成太玉尚遺蹤神仙每喜談黃帝富貴
誰能訪赤松樹斷江光明正練雲開山色入疎櫳不知詞賦

誰豪健傾耳清聲萬壑風

楊性農書來云眠食如故而耳聾特甚見客須作筆談
余病適與相同為之一笑即寄一首

科目相同四十年老來同病更相憐每憎世議方喧沸遂斷
聞根得靜便青眼高歌真老矣烏皮坐對亦欣然金銀好護

遜學齋詩續鈔卷五

三

雙眸在各向晴窗手一編

山中客來言所居多畫眉因乞致雌雄各一

山客言山樂山春百鳥嬌畫眉尤姪姪傾耳想風標為我能
籠致因之破寂寥卻思巖子瀨來去富春潮七里瀨多畫眉
每省試時即倚

枕聽之

次韻答陳菊潭潤之

老翁七十真無事舊友婆娑幸可攀萱草堂前猶奉母菊潭
尚有

母年垂九十宋時鄉先生林介芙蓉海外欲尋山
夫年九十餘猶作萱堂以奉母
精義水心序之言其渡海葬妻大
芙蓉菊潭亦能言地理時新喪偶
先生日膳厨三韭弟子宵

燈屋半間菊潭以授鄉里善人真足矣不須名氏滿塵寰

相對茫茫各鬢絲一鬢愁說少年時每看歲月成奔駛試問

文章孰主特真率猶存靈璧石薛承之園有靈璧石見水心薛中奉墓誌風流誰續澗村碑陳文節公居澗村長庚落月能相伴更向南弧祝壽祺

王定甫同年極遺集在予所將二十年欲為之序以病不果今聞其子正中姪濬中皆以拔貢應廷試在京師

將以此集寄還先之以詩丙戌

後死相望十載餘一編時讀子雲書徒聞皇甫傳三賦深喜徐卿有二難選士幾家登玉轂奇文何慮誤金車即看世業青箱貴異日桓譚意孰如

海玉村館昔論文定甫京師所居古之海王村也因自榜曰海玉村館古寺鐘聲向曉聞予與定甫海門京居皆相近每相滿地黃巾驚埃火咸豐癸丑過則飲酒論文聞隣寺鐘鳴乃散粵匪方應劉朋輩隨流水歸客于袁浦

遜學齋詩續鈔卷五

四

歐粵山河共夕曛投老著書誰與語疎簾永日對鑪芬

陳秀才承紱重築會文書院其遠祖陳貴一兄弟讀書處也予弟有詩即用其韻

兄弟同時奮薜蘿北方千里就磨礱遂為浙學文斯在貴一二先生兄弟四人皆入洛從伊川遂為洛學入浙之始直到橫陽士尚義平陽之學徐忠文公自為一家至元而章清所史文璣徐橫陽又為朱學皆木鐘嫡傳伊洛微言持敬始永嘉先輩讀書多荆榛重關宗風遠莫但比鄰聽酒歌

自題七十小像

墮地於今七十年如駒過隙箭離弦文章事業都無據但有鬢眉雪凜然

同年俞蔭甫大史文孫陞雲十七歲鄉舉第二蔭甫學

之入都憐其稚少舉家偕行抵都汪柳門閣部徐花農
編修卽行館爲舉賀觴蔭甫有詩紀事云諸君爲我洗
瓶罌又念衰翁嬾出行仍仿右台山館例倍徵東道主
人情清和且喜宜春服脫畧幾忘在帝城只惜彭庵
老居士此時杯酒未同傾蔭甫旣返吳門卽以此詩寄
示老翁風趣可想然有此佳子弟宜其樂也卽和寄之
孝廉舡到競尊嬰侍母還隨大父行似此公車眞創格蔭甫來書云此乃送考創格本科考客六千未必有第二家也教人西笑欲移情衣香扇影春三
月玉塵金鳩尺五城人言蔭甫在京裝束如此又一創格也便作畫圖傳海外
蔭甫有日一時觀聽爲君傾本門生

旣和蔭甫都中詩意有未盡再和一首寄之

遜學齋詩續鈔卷五

五

蓬萊重到集芳罌珠玉新題酒數行要爲科名添盛事不妨
兒女各多情漫誇置鄰如王令卻喜藏身入帝城異日青雲
隨後輩天瓢快酌更同傾

送程大令丁亥

老病思扶杖衰慵只閉門每承減車騎時一叩林樊樸訥仍
無語瘡痍或在論送行車幾輛它日畫圖存

程大令六十初度作知足圖以自壽

寶雲山路百盤紆駿馬高鞍那羨渠緩轡莫嫌驢躑躅一翁

汗背獨轉車

仕宦平生邴曼容行年七十太龍鍾從君笑乞安心藥無事

仙人訪赤松

聞龔詠樵太史亡顯會晉江人

生也君前以所刊聞天年富兼之賦筆華方期騰驥駢何意厄龍蛇國故蒐
閩嶠人文集見寄奇文慕永嘉君嘗以抄本水四門哀誄

在今古一咨嗟

傾蓋方春序新篇繼

帝京

癸酉在京師見詠樵於黃漱蘭太史所時陸廣敷朱肯甫二太

史朱修伯樞部許仙屏太史皆在會文酒之樂一時稱盛大師誰祭酒吳會有羣英時在會者皆東南人每恨徐陳逝難忘韋杜行門前滄海水東望若為情會者肯夫皆先逝吾温去泉州三千餘里然海舟順風三日可達

余濟臣刺史於揖峯亭側作樓三間以自號寄塵命曰

寄樓為予言曰人生亦如此耳求為之詩以寫其意

蝘穴王侯氣象尊蝸牛左角怒追奔腰懸六印驕妻嫂橐守

遜學齋詩續鈔卷五

六

千金恩子孫亦有三年成石槨恐無杯酒潤荒原試參迦葉

惟微笑莫道莊椿是寓言

土偶人憐木偶人吾今一榻已收身乍噓蜃氣成樓閣

時有

蜃氣故名蜃江又聽鷄聲逐市塵濟臣方治權務黃菊荒餘三徑靜白鷗來

共五湖春武陵信有桃源路欲棹扁舟去問津

濟臣復於亭旁作屋三間為游人休憩之所以其正對

江心雙塔名曰塔影山房復索為詩

鼉作鯨吞不可聞江心樓閣隔猛雲卻看灝氣森天表欲借

長風掃海氛擊楫中流誰感慨當窗皓月要平分那知對酒

題詩客倦聽鈴聲倚夕曛

讀書有感

老不捐書亦憚煩一編歌枕與誰論三冬文史知無用要爲
蛇奴劇鈍根

有感

朝三暮四事無常瞋喜羣狙只自忙窗外跳跟窗裏睡老僧
無事下繩床

題伍夫人餐鞠軒詩卷夫人爲拔貢同年楊虹舫大令

室詰嗣稚虹來爲瑞安出此索題

人有黃花節芬芳一卷留摹砧同激烈虹舫殉奉賢之變機杼更綢

繆家慶蘋繫合君恩杞梓收稚虹兄弟皆以郵磨得官甘棠行有詠母

德此千秋

怡園感懷二十二首

遜學齋詩續鈔卷五

七

松臺城郭俯生薑水石陳莊與宋莊欲問主人黃鶴遠九山

喬木隱斜陽園在郡城來福門內水心所謂生薑門也宋南渡時陳侍郎陳莊宋尙書宋莊皆有水石之勝

今其遺址不可問矣

入門雙燕語瑯梁巷陌烏衣未渺茫我亦舊游相識否不應

衰鬢遂秋霜

畫稿流傳項果圓一花一石鬪清妍割取靈峰百二十謝公

游屐笑當年小石爲予言初爲園項山人維仁以畫法布置巖石故頗脫凡俗山人亦工詩耽禪悅晚年自

號果圓雁蕩山有奇峰一百二十而康樂游山諸詩僅及斤竹澗而止殊不可解

曲曲蘭干浸綠波鱗鱗水面好風多魚吹翠帶牽浮苜燕掠

珠盤側小荷

雨過平池碧漲新綠楊陰處看垂綸白鷗斜掠紅橋下獨立

磯頭不避人

水榭跨沼上逶迤而南奇石環列雜植花木春夏之交燦若錦綉山光樹色與綠波相掩映圍

處也

招涼好就竹西亭古樹疏煙入坐青少待東山明月上瑤琴

彈與水仙聽

小亭近沼得月獨多夏間納涼爲宜

縈紆曾磴蹋莓苔嵌竇陰崖乍闔開回首卻凌喬樹杪一山

松翠撲人來

循石磴而上曲折巖石間比至絕頂松臺山色撲人眉宇

千紅萬紫競芳春捲地東風蹴錦茵閱世老松鬚最古歲寒

冰雪戰龍鱗

巖石上虬松一株特奇古

珠簾高捲碧灣環華蓋飛霞晷晷畫間爲我樓頭添一榻更移

筆研看青山

青紅闌檻小如艘倒影清波面面窗一陣輕風松吹動短蓬

遜學齋詩續鈔卷五

八

聽雨過桐江

近水小齋聯接如船舫夜坐松風徐來如在七里瀨舟中

仙柯踈地月中香一角屏山接綺廊時有嫦娥窺客至芳風

微度小紅牆

園有藤桂五株枝柯蟠結因以爲牆如出天造

琅玕萬个自成蹊粉籜吹香翠已齊曉露溼衣襟裏綠廿年

清夢古雲棲

同治丁卯予嘗一至杭州雲棲由山口入夾道皆叢竹也園中竹徑幽邃仿佛似之

苦厄千石不藏書賴有君家紫錦幘但乞酒錢酸博士不知

曾致一瓶無

孫雨人學博東甌見聞錄言吾郡藏書以曾氏爲最

丹邱枯木東溪字神物無如羽化何我愛清言衛叔寶鬢絲

相向一摩挲

吾鄉何山人白工詩尤善枯木古石姜太常立綱亦善畫及楷法而所見真跡絕少君家收得

數慎往往爲人竊去其壻容樓稍稍收拾十猶存其四五

自道臣家叔不癡阿咸還與竹林嬉風流莫但誇江左王謝

東州此一時曼琴子璘皆小石叔皆善詩小石嘗刻其集明時賜湖王氏鶴陽謝氏二家皆有文集

碧海鯨魚世未奇永嘉猶有晚唐詩一編賸馥芳蘭什誰畫

春山野水詞野水多于地春山半是雲趙紫芝警句其子嘗有極似四靈者

磊落珠犀十萬緡當年只是灌園人千金高義王孫少但恐

青蚨亦有神

扇影衣香三月三繡旗戲鼓又城南歲歲曾園兩游賞畫船

多在篔簹絲潭吾鄉以清明節迎神賽會郡城燈火尤盛端陽競渡則自宋已然此兩月游人四集曾園士女

填咽予少時一訪小石得寓目焉篔簹絲潭在雁池

青青城闕小同年各倚清狂蹋綺筵醉後更看鸚鵡舞不勝

蕉葉亦欣然予與小石同年為博士弟子

遜學齋詩續鈔卷五 九

舊物猶傳靈壁石酒人終欠奉常卿頗思會客如司馬但恨

中郎非老兵

承平人物能娟妙老去文章媿不如但得王維與裴迪風流

今古輞川圖

誰復經行識醉翁猶能花木說隨東他年作記如吳郡莫忘

名園擅洛中

二月十四日偶還故山戊子

出城一笑大江橫隔岸諸峯更有情艇子瓜皮雙檣快故山

猿鶴要尋盟

潮聲已過紅巖渡樹色遙分白塔灣江行十五六里有巨石色微瀨斗入江岸土人

謂之紅巖正對江中白塔其南岸則寶香山恰趁花朝三港也舟過白塔遙望吾家屋後山松黛如染

會吾里人奉地主廟卽三港神莊濟王也燈毬簫鼓擁龍山
廟在龍山下每歲花朝賽神燈火甚盛

蔭甫作文昌生日詩其言甚辯咸豐初元因某御史言
升文昌爲中祀歲用牛五千餘頭則與蜀人事英惠王
無異矣卽爲一詩以呈蔭甫

爲王血食有神靈蜀人祭英惠王歲殺羊至四萬宋徽宗改爲眞

君祭不用牲其神遂不靈示夢于巫豈意斗魁司祿命亦加

日我昔爲王血食故有力乃復用牲

旒冕薦膏腥雄詞千古昭昏黑國論他年惜汗青我爲皇天
慈一物欲將成佛祝庖丁

平陽修復坡南浮圖命之曰文明塔以邑人科名久不
振也塔旣成索予爲詩予謂科舉之業師弟子交勉而
已塔何能爲也口占四絕句俾刻之巖石上學者其將

遜學齋詩續鈔卷五

有所感乎戊子六月

題名競上慈恩塔禮佛姑爲宰塔波欲得優曇開震且卻須
槃特坐伽陀

檀施百寶涌出地奎壁二星行麗天突兀遂高三百尺文章
迴斡一千年

螳邱鼠壤易長雄荆鷄鵠卵難見功壘子豈無陳貴叙石師
那得程正公

風掣鐸鈴作胡語木穿石槃無寶丹振衣千仞忽大笑日光
正照耆嶺山

平陽合湯紹卿農部肇熙乞養解官以詩爲別

朝廷衆建二千石郡國分憂百里侯今日民生尤狹隘幾人

儒術自風流七年異政馴文雉一夕歸心動白鷗料得爲霖
須再出期君緣法在吾甌

謝文波自柘溪以雪鰻見詒一日夜而至鰻尚活也鰻

長垂四尺其粗如臂家人畏其狀皆不敢嘗予乃獨飽

長魚雙掩破霜筠口腹平生慣累人向道雪鰻今始識更無

海錯敵山珍

此鰻產高山深澤
中大雪極寒乃出

送林祁生入都

衍慶

家世蓬萊接道山

祁生爲鮑齋觀
察前輩曾孫

諸孫文采尙斑斑鄉閭月

巨隨鷓鴣鳳 帝里風流盛芷蘭

觀察置吾郡試邸于京師手
書蘭芷升庭四字榜于客次

到日園林紅藥後望塵車馬綠槐間林居每恨長安遠昨夢

龍鱗見 聖顏

遜學齋詩續鈔卷五

十一

黃漱蘭銀臺閨事竣請假三月展視松楸承過訪林

下賦此志慶

南伯南侯盛送迎過家有 詔逗王程十年舊雨思清禁

光緒

丙子予以楚藩入 昨夜文星照斗城滄海已收珠寶藏鄉閭

真看錦衣行老夫愁絕茱萸會卻對黃花一眼明

時予方有
從子之戚

哭從子仲彤戶部

方待駒千里胡摧桂一枝有誰才似綺汝伯髮垂絲弱弟吞

聲獨 三姪詒澤以北闈 孺人斷臂時

姪婦方於臨危時割
腕肉和藥訖不能救

枯愁見骨予季可堪悲

仲弟尙
在滬上

